

TROMPETRA IRAY

MANAO FEO HAFAHAF

 Misaotra betsaka anao, Rahalahy Demos. Tombontsoa lehibe ny tonga ato amin'ity favoriana Kristiana ity izao hariva izao, eto amin'ity faritra feno ranomandry ity. Ary niantso tany an-trano aho, vao teo, ary eo amin'ny roapolo degré mafana kokoa ilay izy, ny any Avaratra lavitra any, noho ny eto. Tsy maintsy nitondra an'ity aho. Handeha haingana aho ary hiverina indray, haingana mihitsy. Mivaingana ireo voly rehetra. Inona no neverinao mikasika an'izany, Creechy? Izany dia... [Hoy ilay rahalahy hoe, "Mangatsiaka ny andro."—Mpand.] Izany tokoa.

² Ary tena faly aho ny afaka mihaona amin'io pasitera mahafinaritra io, izao hariva izao, sy ny mahita anareo olona. Vao tonga aho, fotoana vitsy izay. Avy tany Tucson aho, izay tsy maintsy nandehanako androany. Namily fiara omaly hariva, ary tonga teo amin'ny roa sy sasany teo aninkeo maraina, tany Tucson. Ary avy eo ny tontolo andro, dia tany. Ary niainga fotoana vitsy fotsiny izay... Eny, tonga aho, teo amin'ny adiny iray sy sasany teo izay, neveriko, zavatra tahaka an'izany, eto. Ary noho izany dia tsy natory be loatra aho. Saingy hiezaka aho ny tsy hatory eto. Fa izahay dia—faly izahay ny tonga eto.

³ Ity zazalahy kely ity, nilalao niaraka tamin'ireto fanamafisam-peo eto ireto. Nipetraka tery aoriana tery aho, teo amin'ny... anankiray amin'ireo sezan'ny ankizy. Tonga ny zazalahy kely, njery ahy tena hafahafa. Hoy aho hoe, "Isika ankizy rehetra dia afaka miara-mipetraka, sa tsy izany?" Ankehitriny, azo antoka fa tiako ireo ankizy kely ireo, na izany aza.

⁴ Ary ilay izy dia, oh, mahafinaritra marina tokoa ny tonga eto izao hariva izao, sy ny manana an'ity fanatrehan'olona mahafinaritra mitsangana manodidina ity. Ary matoky aho ankehitriny fa efa niteny taminareo rehetra i Rahalahy Williams mikasika, sy Rahalahy Rose eto, mikasika ny favoriana ho avy. Ataoko fa mahalala tsara an'izany ianareo. Ho ao amin'ny Ramada, avy hatrany, ilay favorian'ny Business Men. Ary manantena fotoana iray lehibe isika any. Rahalahy Velmer Gardner, mpiresaka mahafinaritra, matanjaka; ary ireo mpitoriteny hafa, Oral Roberts sy ny maro, dia ho any. Ary manantena fotoana iray lehibe ao amin'ny Tompo isika.

⁵ Manantena aho, fa ny sasany amin'ireo fotoana ireo, dia hamela antsika hanana asam-panasitranana iray ao amin'io

toerana io. Ah-hah. Tiako ny haka an-dRahalahy Oral, ary hiaraka izahay. Eny, tompoko. Tsy hahafinaritra mihitsy ve izany? Izany dia ho—ho tena fitosahana iray ho an'izany, sa tsy izany? Ny asam-panasitranana iray, ao amin'ny Ramada, hahafinaritra izany. Isika... Noho izany dia mety hanao an'izany isika, fantatrareo. Mety hanomana an'izany ho antsika ny Tompo, hanana asam-panasitranana iray. Noho izany isika dia... Handeha manerana ankehitriny, hitety fiangonana, hiezaka hanaparitaka an'ireo vaovao tsara, sy hifampikambana, ary hanana fiombonana ao amin'ireo fiangonana samihafa rehetra. Izany no inoantsika, hoe iray isika, ao amin'i Kristy.

⁶ Niresaka tamin'ny dokotera iray aho indray andro. Teo am-piaingana ho any am-pitan-dranomasina aho, ary tsy maintsy manao fizahana ara-batana ianareo. Noho izany dia tany aho ho an'ny fizahana iray. Ary napetrany teo amin'ny iray tamin'ireo onja aho... Izaho... Aza manontany ahy hoe inona izany. Ary nahita zavatra hafahafa izy. Dia niverina izy ary tsy nety nahazo tsara an'ilay izy, ary namory ny fikambanan'ny dokotera izy, fa tsy nety azony mihitsy izany. Hoy izy hoe, "Tsy mbola nahita an'izao mihitsy aho tany aloha." Ary noho izany dia nasehony ahy ny sarin'ilay izy, hoe ahoana ilay fieritreretana tsotra, ary manana amparahatoka iray ianareo, ary mifanalavitra be izy ireo. Saingy nahamarika izy fa ny ahy dia niaraka mihitsy izy roa. Hoy izy, "Tena olona iray hafahafa ianao."

Hoy aho hoe, "Efa fantattro foana izany. Ny olona rehetra dia mahafantatra."

⁷ Hoy izy, "Tsy mbola nahita an'izao mihitsy izahay tany aloha." Noho izany dia nanomboka niteny tamiko mikasika an'izany izy.

⁸ Hoy aho hoe, "Eny," hoy aho, "fantatrao, ataoko fa ny Tompo tsara, rehefa manao antsika Izy, dia manao antsika ho samihafa kely fotsiny Izy. Tsy mitovy isika, ary noho izany dia tsy mihetsika mitovy akory aza isika indraindray. Fa—fa Izy no manao an'izany ho Azy, ny Fombany manokana hanaovana azy. Miditra ao amin'ilay milina fandasirana goavana fotsiny isika, dia hipetraka tsara fotsiny, Izy no handasitra antsika amin'ny fomba Tiany haha-izy antsika."

⁹ Ary izaho—fantattro fa tsy hisy anankiray izay te-ho zavatra hafa afa-tsy izay maha-izy anareo. Ny zavatra tokana izay azontsika rehetra iriana... Rehefa avy novonjena isika ka lasa zanak'Andriamanitra, ny zavatra tokana tiantsika dia ny fandehanana akaiky kely kokoa isan'andro. Izany no iriantsika fatratra, ho an'izany fiombonana lehibe izany. Mahafinaritra toy ny ahoana izany! Efa mba nijanona ve ianareo mba hieritreritra fotsiny hoe inona no ho nataantsika raha tsy nanana an'izany isika? Inona—inona... Raha tsy nijanona tao anatintsika izany fanantenana lehibe izany, dia inona no ho nataantsika?

¹⁰ Nilaza aho, tao amin'ny anankiray tamin'ireo fiangonana, afaka ve aho... Voalohany, toerana anankiray, avy eo dia hafa iray, ary nanerana ny firenena no anaovako fanamarihana matetika, heveriko fa mety mamerina an'ilay izy aho ao amin'ilay fiangonana iray ihany. Fa nivoaka avy tao amin'ilay tranobe aho izay somary nametrahako mavesatra kely, mikasika an'ireo olona amin'izao andro izao izay manao an'io fandihizana vaovao izay ananan'izy ireo io eto, izy ireo dia miantso hoe twist, na tahaka an'izany. Dia hoy aho hoe, "Tsy fantatroy fotsiny, ho an'ny inona marina, no hitiavan'ny olona hanapaka ny ranjony sy—sy mihetsika tahaka an'izany."

¹¹ Noho izany, dia nisy lehilahy iray, teo amin'ny enina amby roapolo, fito amby roapolo taona teo, nihaona tamiko teny aoriania, nanao hoe, "Vetivety fotsiny, Atoa. Branham."

Hoy aho hoe, "Eny, tompoko?"

Hoy izy hoe, "Fantatralo, tsy mahazo fotsiny ianao."

Hoy aho hoe, "Manantena aho fa tsy mahazo mihitsy."

¹² Noho izany dia hoy izy hoe, "Hitanao," hoy izy, "afaka mahita ny fijerinao aho." Hoy izy, "Lehilahy iray dimampolo taona ianao. Fa raha tamin'ny taonako ianao, dia ho hafa ilay izy."

¹³ Hoy aho hoe, "Andraso iray minitra." Hoy aho hoe, "Efa nitory ny Filazantsara aho fony aho folo taona tanora kokoa noho ianao. Mbola mino an'ilay Filazantsara iray ihany foana aho. Nahita zavatra izay maka an'ilay toerana aho, ary fifaliana amin'ny fanompoana ny Tompo mihoatra noho ireo zavatra rehetra izay azon'ny devoly amboarina na aiza na aiza." Izany dia ny... Manome fahafaham-po iray izany.

¹⁴ Fantatralo, nilaza i Davida, indray mandeha hoe, "Tahaka ny dieravavy mangetaheta ny rano an'ony, no angetahetan'ny fanahiko Anao, O Andriamanitra."

¹⁵ Ary raha mba nahita ny iray tamin'ireo biby kely ireo ianareo, rehefa izy no—naratra izy; angamba ireo alika no nahazo azy, ary nanongotra ampahany goavana iray avy teo amin'ny valahany, na tahaka an'izany. Mivoa-drà izy. Ary, izy, afaka manara-dia azy ilay alika. Tsy mitovy amin'ny olona iray izy. Ary afaka mihaza an'io diera io izy na mivoa-drà izy na tsia. Ary noho izany ny fomba tokana... Raha mivoa-drà io diera io, ny fomba tokana hany ahafahany ho velona dia ny tonga eo amin'izay misy rano. Ary raha mba afaka ho tonga eo amin'izay misy rano izy, dia hisotro an'ilay rano. Hampijanona an'ilay mivoa-drà izany, ary—ary afaka mitsoaka izy. Tena fetsy izy.

¹⁶ Fa azonareo eritreretina ankehitriny, ny mahita ny iray amin'ireo biby kely maratra sy mivoa-drà, ary ahoana fa mitraka fotsiny ny loha keliny, ary ny fanamboloana rehetra izay ananany amin'ny fahafantarana hoe aiza no misy an'ilay rano, miaraka

amin'ny orony. Izao fotsiny, tsy maintsy mahita an'ilay rano izy, raha tsy izany dia levona. Ary ankehitriny ilay izy fotsiny dia fiainana na fahafatesana, ho azy. Izy, ny tsirairay fotsiny—tsirairay—tsirairay kely amin'ny fanamboloana izay ananany, dia miezaka izy, maniry fatratra. Tsy maintsy hitany izany.

¹⁷ Ankehitriny, tahaka an'izany no tokony hangetahetsika an'Andriamanitra. Hitanareo? “Tahaka ny dieravavy mangetaheta ny rano an'ony, no angetahetan'ny fanahiko Anao, O Andriamanitra.” Mifina any ho any miaraka Aminy, no fanirian'ny foko. Ary matoky aho fa izany no fanirian'ny rehetra izay ato izao hariva izao.

¹⁸ Ary ankehitriny, isan-kariva, ary tiako ny hahita an'izany. Ireo endrika izay hitanareo amin'ny toerana iray, dia hitanareo ao amin'ny iray hafa izy ireo. Izaho—tiako izany. Maneho ny fiombonanareo ianareo, ary maneho ny antony maha-eto antsika.

¹⁹ Ary, oh, azoko antoka fa ho tiako ny hahita fifohazana iray amin'ny fanao fahiny eto Phoenix. Oh, oadray! Io teny hoe *Phoenix* io dia nampientanentana ahy hatramin'ny fotoana voalohany namakiako azy mihitsy, ny amin'izany: Phoenix, Arizona. Oadray, ry zazalahy kely, nieritreritra aho hoe, “Raha mba afaka ho tonga eo amin'io toerana io aho! Raha mba afaka ho tonga any aho, any Phoenix!” Ary ankehitriny dia mahita an'izany, ary rehefa eto isika dia mahita azy matevina ao amin'ny halalin'ny fahotana, tahaka ny sisa rehetra amin'ireo toerana, miditra ireo mpizaha tany; ary misotro, mifety, faharatsiam-pitondrantena, ny zavatra rehetra manerana.

²⁰ Fa, kanefa, eo afovoan'io rehetra io, dia mahita firavaka tena izy sasantsasany ianareo izay nongotan'Andriamanitra avy tamin'ity tany efitra eto ity, izay mamiratra ao amin'ny satroboninahitr'ireo vahoakan'Andriamanitra be voninahitra. Ary ho an'izany no maha-eto ahy, izao hariva izao, hametraka ny tenako miaraka aminareo rahalahy sy ianareo anabavy, mba hiezaka hampamiratra ny Hazavan'ny Tompo Jesosy amin'ny hafa, mba ahafahan'izy ireo ho hita, ihany koa, ao amin'ity fahapotehana lehibe ity. Ary maro amin'izy ireo no mbola any ivelany any. Resy lahatra amin'izany aho. Mbola misy maro no tokony hiditra, ka tsy maintsy manao ny zavatra rehetra izay vitantsika isika hahazo azy ireo any, ary hiaina fiainana iray izay hampitaratra an'i Kristy.

²¹ Ankehitriny, alohan'ny hamakiantsika lahateny kely iray an'ny Soratra mihitsy... Tonga tena tara aho ka nandray naoty vitsivitsy, teo amin'ny dimy minitra teo. Ary vao avy nandefa filazana vitsivitsy tamiko ny fanjakana momba ny hetra amin'ny vola miditra, ka tsy maintsy nandeha avy hatrany aho, ary tsy maintsy voaisy hajia izany, heveriko, angamba androany, sahady. Ary noho izany dia tsy maintsy nandeha tany amin'ny

paositra aho. Ary rehefa tonga aho, dia hoy i Billy hoe, "Tsaratsara kokoa aminao ny mandeha haingana." Ary noho izany eto...

²² Efa nandinika mihitsy hatrany aho, sy hatrany, hatrany, niaraka tamin'ireo olona ireo. Oadray, oh, oadray! Miresaka ny amin'ny fahamarinana eo amin'ny varavararan'ireo fitsarana izy ireo. Manontany aho hoe aiza ilay izy. Eny. Tsy mbola nahita tahaka an'izany mihitsy aho. Ary tian'izy ireo handoa hetra amin'ny vola miditra eo amin'ny seky tsirairay aho izay nomena ahy nandritr'ireo dimampolo taona farany, mba handoavana an'ireo trosan'ny asam-pitoriana, miaraka amin'ny sazy eo amin'izany, hitanareo, dimy arivo sy dimy alina sy telo hetsy dolara.

²³ Hoy aho hoe, "Tifiro fotsiny aho." Ahoana no mba ahafahako hanao an'izany? Hoy aho hoe, "Zara aho raha manana dimy amby dimampolo cents." Hoy aho hoe, "Ahoana no mba ahafahako hanao an'izany?" Ary nanery mafy ahy nandritry ny dimy taona izy ireo.

²⁴ Noho izany, ny amin'ny fanomezan'ny olona. Ohatra, nanana asam-pitoriana iray izahay, ary—ary ny olona, fantatr'izy ireo fotsiny fa ny anarako dia William Branham, manao seky iray fotsiny izy ireo ho an'ireo fandaniana. Ireo mpitoriteny no mikarakara an'izany. Tsy mbola naka rakitra iray mihitsy aho teo amin'ny fiainako. Ary noho izany izy ireo dia mandray... Izaho dia mandray ka—karama avy amin'ny fiangonako, zato dolara isan-kerinandro.

²⁵ Ary io rakitra io... Fa ny tsirairay avy, hitanareo, fa izy ireo no mametrakta an'izany ao... Ary ny ampitso maraina, ilay—ilay—ilay—anankiray izay filohan'ny komity ara-bola, nanatona ahy izy ka nanao hoe, "Rahalahy Branham, tsy maintsy manao sonia an'ireo seky ireo ianao." Ary, nahoana, nosoniaviko fotsiny izy ireo. Napetrany tao izy ireo. Ary noho izany dia nohamarinin'izy ireo tsara izany rehetra izany, nefo tsy nisy cent iray mba nolaniako manokana. Fa rehefa nosoniaviko io seky io, dia nilaza izy ireo fa ahy izany. Ny olona no nanome an'izany ho ahy, noho izany dia nomeko ny fiangonana izany. Oh, oadray!

²⁶ Nahatsapa ho tena ratsy aho, aloha, avy eo dia hitako fa ny lehilahy tsirairay ao amin'ny Baiboly, mino aho, izay hany nihazona asa ara-panahy ho an'Andriamanitra, dia nifandray tamin'ireo governemantam-panjakana. Amarino indray izany dia jereo. Marina izany. Mosesy, Daniela, Jaona Mpanao-batisa. Maty teo amin'ny tangan'ny governemantam-panjakana Jesosy Kristy, teo ambanin'ny fanasaziana lehibe. Petera, Jakoba, Jaona, Jaona ilay mpanambara, ny rehetra, ny tsirairay... Ny rehetra dia niaritra fanenjehana.

²⁷ Nahoana? Izany no sezan'i Satana. Fantatrareo ve izany? Fantatrareo ve, fa Satana dia nitondra an'i Jesosy niakatra ka

naneho Taminy an'ireo fanjakana rehetra, izao tontolo izao, tao anatin'ny fotoana fohy? Dia hoy izy hoe, "Ahy izy ireo. Ataoko amin'izy ireo izay rehetra tiako atao. Hitanao? Ary homeko Anao izy ireo raha hiankohoka Ianao ka hanompo ahy." Noho izany dia hitanareo ve hoe an'iza izy ireo? Halantsika ny hieritreritra an'izany mikasika ny antsika manokana, saingy izany izy.

²⁸ Noho izany dia hoy Izy hoe, hoy Jesosy hoe, "Mankanesa any ivohoko, ry Satana." Fantany fa Izy no handova azy ireo, ao amin'ny Arivo taona. Fantany fa ho Azy izy ireo rehefa... Rehefa, raha notantanin'Andriamanitra ireto firenena ireto, dia ho teo ny Arivo taona. Saingy ho avy ny fotoana iray.

²⁹ Manana ny U.N. izy ireo ary ny Ligin'ireo Firenena, sy ny rehetra, mba hiezaka hitondra filaminana. Fa raha mbola i Satana foana no eo an-tampon'izany, sy ireo politika, dia inona no hitranga? Hiady izy ireo azo antoka mihitsy tahaka an'izao tontolo izao.

³⁰ Fa ho avy ny fotoana iray izay hanangonana an'ireo fitaovam-piadiana rehetra. Ary haneno ireo piapiaka, ka hiposaka ilay maraina Mandrakizay, mamiratra sy mazava. Handray ny Seza fiandrianany ny Mpanjakantsika. Oh! Hisy fihirana; hisy fikiakiahana. Ary hisy saina anankiray, vahoaka anankiray, firenena anankiray, fitenenana amin'ny fiteny anankiray, an'ny Lanitra. Amena. Maniry fatratra an'io fotoana io aho. Ary mandroso mankany amin'io marika io aho, matoky an'Andriamanitra, fa indray andro any rehefa mifarana izany, dia afaka hilaza aho... Afaka handre Azy aho hanao amiko hoe, "Miakara aty."

³¹ Eto Phoenix aho izao hariva izao amin'ny Anaran'ny Tompo. Izaho dia—dia tsy hiezaka hanazava an'izay mitranga. Maro aminareo olona izay maka an'ireo horonam-peo, aoka banana antoka hahazo an'io anankiray io hoe, *Amin'Ny Firy Izao, Tompokolahy?* Talohan'ny nialako tany an-trano mihitsy izany. Fahitana iray no nandefa ahy eto; dia, tsy fantattro izay... Izaho tsy... Tsy mpivarotra horonam-peo aho, ary tsy manery ny amin'ireo zavatra ireo. Mitondra azy ireo izahay, ary manana asa fanaovana horonam-peo manerana an'izao tontolo izao. Any anaty ala lavitra any sy hatraiza hatraiza, dia manana zavatra kely izy ireo izay apetrary eo amin'ny sofina, manana izy ireo, ary afaka mampiditra an'izany ao anatin'ny horonam-peo, ary mitsangana any ka mandika an'izany avy hatrany amin'ilay fiteny. Ary mandeha manerana an'izao tontolo izao izany.

³² Ary, fa ny anankiray izay nananako, ilay *Amin'Ny Firy Izao, Tompokolahy?* Na, *Izao Ve No Ora, Tompokolahy?* Sasantsasany... Izaho... Sabotsy hariva, telo herinandro lasa izay, tany am-piagonana. Avy tamin'ireo fahitana rehetra izay hitako teo amin'ny fiainako, dia tsy mbola nahazo zavatra tahaka an'io mihitsy aho tany aloha, teo amin'ny fiainako. Ary

tsy fantattro hoe inona ilay izy. Eto fotsiny aho, saingy Izy no naniraka ahy eto. Tsy fantattro izay dikany. Izaho fotsiny... Eto fotsiny aho.

³³ Ary tsy maintsy mahitsy fo sy tso-po aho, ary izany no fomba tokana izay hany hahafahantsika ho tonga na aiza na aiza miaraka amin'Andriamanitra, dia ny ho tso-po. Satria, hahafantatra ny olona. Andriamanitra no mahafantatra, hatrany amin'ny fiandohana, raha tsy izany ianareo, na izany ianareo na tsia. Ary hahafantatra ny olona. Satria, indray mandeha, dia nisy lehilahy iray niezaka naminany. Ary niteny Andriamanitra... Na, niteny taminy ilay tena mpaminany, nanao hoe, "Aoka hahatsiaro isika. Efa nisy mpaminany talohantsika. Ny mpaminany dia fantatra fotsiny ihany rehefa miseho ny faminiany." Noho izany dia tsaratsara kokoa amintsika ny mahazo antoka hoe fantatsika fa Andriamanitra no nilaza an'izany, alohan'ny hilazantsika zavatra mikasika an'izany. Aoka hahitsy fo sy tso-po.

³⁴ Ankehitriny dia ndao isika hanondrika ny lohantsika vetivety fotsiny ho an'ny vavaka. Ankehitriny dia ndao isika hanaisotra ny fiahiana rehetra ankehitriny, mandritry ny minitra vitsy manaraka. Manontany aho... Ato amin'ity vondron'olona kely maha-te-ho tia eto ity izao hariva izao, fantattro fa mipetraka eto ireo firavaka izay hahatongavan'i Jesosy mba halaina indray andro any, izay hifoha avy amin'ny vovoka.

³⁵ Ary mety misy sasany ato izay tsy manana antoka loatra na ho any izy ireo, na tsia. Mety mila zavatra hafa ianareo. Raha misy ilaina iray ao amin'ny fiainanareo izao hariva izao, dia aoka hampahafantarina an'Andriamanitra izany, raha manangana ny tanganareo fotsiny ianareo, manao fotsiny hoe, "Andriamanitra, Ianao no mahafantatra an'izay tiako lazaina ankehitriny. Ary tahio aho. Izaho, marary aho. Mila fanasitranana aho. Izaho dia—maditra aho. Mila miverina eo amin'ny fiombonana iray aho. Izaho—te-hiverina aho. Izao dia—nirenireny aho. Miverina aho. Tiako Ianao hanampy ahy, izao hariva izao, mba hiverina." Andriamanitra hitahy anareo.

³⁶ Ray any An-danitra, raha manatona ny Seza fiandriananao izahay ankehitriny, amin'ny alàlan'ny Rà. Satria... Ary Arona dia nandeha teo anoloan'ny—ny sezan'ny famindrampo, nalainy, aloha, ilay rà teny an-tànany, ka nandroso izy. Ary izahay, amin'ny finoana izao hariva izao, dia mandray ny Rà'ny Tompo Jesosy, ka mandroso mankeo amin'ny seza fiandrianan'Andriamanitra, am-pahasahiana, mahafantatra fa manana zò ny hanatona izahay, tsy amin'ny fahamarinanay manokana, fa amin'ny Azy. Ilay Rà no manebo ny fahadiovanay. Ary mivavaka aho, Ray any An-danitra, mba Hanekenao ny fangatahanay.

³⁷ Voalohany, dia hangataka Aminao izahay mba hamindra fo aminay, hamela anay amin'ny helokay rehetra, raha miaiky an'ireo ratsinay izahay, sy ireo fahadisoana kelinay, sy ireo fahotanay miafina, ary ireo fahotanay tsy fantatra. Ary miaiky koa izahay amin'ny maha-mpitoriteny, satria mpisorona, an'ireo fahotan'ny olona. Miaraka, Tompo, no itsanganananay. Tianay ny olona. Mahatsapa tahaka an'i Mosesy izahay rehefa nanipy ny tenany teo amin'ilay banga izy, nihazona ny olona, ilay fahatezeran'Andriamanitra. Fampisehoana iray toy ny inona izany, an'ny fahamarinan'i Kristy, rehefa nanipy ny Tenany tao amin'ilay banga Kristy, mba hamonjy ny olona.

³⁸ Ary, Ray, izahay amin'ny maha-Mpanompony, miaraka amin'Ny Fanahiny ao anatinay, ny Kristiana tsirairay ato izao hariva izao, dia mihazona ny tenany eo anatrehan'ny mpanota hoe: "Andriamanitra, mamindrà fo amin'izy ireo." Miantsoantsosy ho an'ny marary sy ny manana ilaina izahay, ho an'ireo tanana sarobidy, ny sasany amin'izy ireo dia antitra, ary ny sasany tanora, ary ny sasany taona antenantenany, manangana ny tanany. Ianao no mahafantatra ny rehetra mikasika an'izany, Tompo. Mivavaka izahay mba Hamalianao araky ny Harenanao ao amin'ny voninahitra.

³⁹ Enga anie hisy maro izao hariva izao, Tompo, no handeha hiala eto, izay niditra, izay narary, enga anie izy ireo handeha, salama, sitrana. Hisy zavatra iray hitranga fotsiny, tsy afaka hanazava an'izany akory aza izy ireo, saingy fantatr'izy ireo fa salama izy ireo.

⁴⁰ Enga anie ireo madittra handeha ho nohamarinina, Tompo, mahafantatra fa niverina izy ireo ka naka an'i Kristy teo amin'izay nandaozan'izy ireo Azy. Enga anie izy ireo handeha, hanao famerenana. Ekeo, Tompo, mba hahitan'ireo izay tsy mbola nanatona mihitsy an'io fahalalahana sarobidy ny amin'ny hoe afaka io, tafavoaka avy tao amin'ny tranom-biby, tsy voafatot'r'ireo zavatr'izao tontolo izao intsony sy ireo fiahian'ity fiaianana ity, fa efa natao afaka tao amin'i Kristy. Ekeo izany, Ray.

⁴¹ Tahio izay rehetra ilainay ankehitriny, ary tahio Ny Teninao sy ny Mpanomponao, ary homenay Anao ny dera. Amin'ny Anaran'i Jesosy no angatahanay an'izany. Amena.

⁴² Ankehitriny, raha hamaky lahateny iray avy ao amin'ny Soratra isika, na Soratra iray ho an'ny lahateny iray, raha ny marina, Korintiana Voalohany ny toko faha-14, ny andininy faha-8, mivaky toy izao, ao amin'ny Korintiana Voalohany 14:8.

Fa raha ny trompetra no manao feo hafahafa, dia iza no hiomana ho amin'ny ady?

⁴³ Lahateny ampy ity izay azontsika ho toriana roa herinandro manomboka izao eo amin'izany, kanefa dia tsy hahakasika an'ireo sisiny mihitsy. Misy zavatra mikasika ny Teny izay

voatsindrimandry. Eo amin'io lahateny anankiray io tsy ankitsahatra ianareo. Afaka mamatotra ny Baiboly manontolo miaraka amin'izany ianareo. Marina izany.

⁴⁴ Nanontany ahy ny lehilahy iray indray andro, nanao hoe, "Ahoana no ahafahanao mandray an'ilay lahateny iray ihany?"

Hoy aho hoe, "Oh, oadray! Afaka maka tsoa-kevitra iray amin'ny rehetra avy amin'izany ianao."

⁴⁵ Naka kodiadiam-borona kely iray misy ravina telo nandry teo amin'ny tany aho, ary nakariko izy. Mipetraka eto ilay lehilahy izao hariva izao, avy any Tucson. Ary izahay dia tany Pasadena, California. Dia hoy aho hoe, "Afaka maka an'ity kodiadiam-borona misy ravina telo ity aho ka mitory teny mandritry ny dimy amby roapolo taona eo amin'izany: ahoana fa aina iray izany, izany no ao anatiny; ahoana, fa ireo ravina telo, dia ny trinite ao amin'ny Anankiray. Ary, oh, oh, misy zavatra betsaka mihitsy izay azontsika lazaina mikasika azy."

⁴⁶ Ary ahoana ny amin'ny Soratra? Izany no Tenin'Andriamanitra. Izany dia Mandrakizay. Izany—izany dia... Izany dia tsy manana fiafarana. Izany dia mandeha manohy fotsiny, manohy, manohy. Izany no fialofana ho antsika.

⁴⁷ Ary ankehitriny izao hariva izao aho dia te-hiresaka eo amin'ity: *Trompetra Iray Manao Feo Hafahafa*.

⁴⁸ Eo am-pieritreretana an'izany, fotoana vitsy lasa fotsiny izay, rehefa nieritreritra aho teo amin'ny... io raharahan'ny hetra amin'ny vola miditra io, nieritreritra aho hoe, "Zara raha misy zavatra izay azo antoka amin'izao andro izao. Ny zavatra rehetra dia manana karazan-javatra tsi-fahazoan'antoka ao aminy." Ary ny zavatra rehetra izay tsy azo antoka dia tsy azo itokiana. Ny zavatra rehetra izay tsy azo antoka dia tsy azo itokiana. Mialà lavitra an'izany ianareo raha tsy azo antoka ilay izy.

⁴⁹ Raha manana raharaha iray ianareo; ary, fa, manana lehilahy mpandrahahaha manatrika isika, angamba maro amin'izy ireo. Raha manao raharaha iray izay tsy azo antoka ianareo, dia tsy hametraka betsaka tokoa ao amin'izany, satria ilay—tsy azo antoka ilay tombony, ka tsy hanao fampiasambola betsaka ao amin'izany ianareo. Na, raha lehilahy mpandrahahaha tsara iray, lalin-tsaina ianareo, dia hiandry ka hikaroka, raha manana vola hampiasaina ianareo, mandrapahitanareo zavatra iray izay azo antoka, zavatra iray izay azo ianteherana, zavatra iray izay azonareo iankinana. Satria, tsy te-hanary an'io vola kely izay notehirizinareo io ianareo, satria amin'izany no tsy maintsy hanaovanareo ny fivelomanareo, avy amin'ny fandoavana avy—avy amin'ireo tombony izay azo teo amin'io fampiasam-bola io. Nahoana, ianareo dia tsy maintsy—tsy maintsy mahazo zavatra hivelomana.

⁵⁰ Ary io vola kely izay notehirizinareo io, aza apetraka ao anatin'ny paosinareo izany ka avelanareo ao, satria hangalatra azy ireo mpangalatra. Hitanareo? Aza, aza manao an'izany. Raha manana azy ianareo, dia ampiasao amin'ny zavatra iray izy. Ary amin'izay fotoana izay dia te-hahazo antoka ianareo ny amin'ny fahatokiana ny fampiasam-bolanareo. Raha tsy izany ianareo, nahoana, aza mampiasa azy, mihitsy.

⁵¹ Noho izany, ny raharaha dia eo amin'ny toerana mihilangilana tokoa izao hariva izao. Ny raharaha rehetra, saiky, eto amin'izao tontolo izao, dia ao amin'ny toerana mihilangilana, satria ao amin'ny toerana mihilangilana izao tontolo izao. Tsy afaka mamela ny tenanareo fotsiny ianareo . . .

⁵² “Ankehitriny, dia hitahiry vola *toy izao* aho, mba hanorenako trano tsara, kely iray ho ahy any ho any.” Izany dia, tena mihozongozona izany. Hoteneniko anareo fa izany ilay izy, satria afaka maka azy rehetra ny governemanta, ao anatin'ny alina iray.

⁵³ Oh, ireo zavatra ireo no nanao ny demokrasiantsika ho tena lô, hany ka tena mihozongozona ilay izy! Afaka nametraka fahatokiana betsaka tao amin'ny demokrasiantsika isika taloha. Ary, fa, tena mihevitra aho fa izany no endrika tsara indrindra an'ny governemanta. Saingy, mbola, mihozongozona ny demokrasiantsika. Satria, isika, ity firenena ity, ny vahoakantsika, manana lalàm-panorenana iray isika, ary io lalàm-panorenana io no—no fara-tenintsika. Fa, kanefa, ao amin'izany, dia mihozongozona ny lalàm-panorenantsika, satria efa nosimbaina imbetsaka izy. Itompokolahy Atoa. Roosevelt no nanao fandravàna tamin'izany. Noho izany, hitanareo, hitanareo fa azo simbaina izany. Tsy misy fahatokiana betsaka azonareo apetraka ao anatin'izany.

⁵⁴ Ireo politika, oh, oadray, mihozongozona toy ny ahoana! Mifamaly fotsiny ny olona, sy mifamaly, ary mifamaly, mikasika an'ireo politika. Ary hifanditra ireo mpiara-monina, mikasika an'izany, nefä dia olona izay mpisakaiza tsara fahiny. Hitsangana ny filoha iray, na olona iray, milatsaka ho serifa, na tahaka an'izany, ary ilay lehilahy hafa eo amin'ny ilany hafa an'ilay fefy ara-politika, ary hifamaly izy ireo hany ka hifanditra mikasika an'izany, ireo politika. Ary izaho tsy . . . manantena fa tsy mandratra ny fihetseham-pon'ny olona iray aho, nefä heveriko fa lô ilay zavatra manontolo. Hitanareo? Eny, tompoko. Noho izany dia nahoana ianareo no hifamaly sy hifanditra mikasika ny zavatra iray izay tsy tsara na ahoana na ahoana? Marina izany. Tena mampalahelo mihitsy ilay izy.

⁵⁵ Nilaza tamiko ny olona iray indray andro, hoy izy hoe, “Ianao—ianao ve handatsa-bato amin’ity fifidianana ity?”

Hoy aho hoe, “Efa nandatsa-bato aho.”

Hoy izy, “Oh, tamin’ity fifidianana ity ve?”

⁵⁶ Hoy aho hoe, "Nandatsa-bato ho an'i Jesosy aho." Hoy aho hoe, "Hoteneniko aminao. Nisy olona roa nandatsa-bato ho ahy." Hoy aho hoe, "Andriamanitra nandatsa-bato ho ahy, ary ny devoly nandatsa-bato nanohitra ahy. Ary izaho nandatsa-bato ho an'Andriamanitra, noho izany dia nahavita tsara ny fandatsaham-batoko aho." Ilay izy dia miangina amin'izay andatsahanareo ny vatonareo, ahoana no hiafaranareo.

⁵⁷ Noho izany, mariho, vao haingana mihitsy, mba haneho toerana kely iray aminareo fotsiny, ary avy eo dia havelantsika izany. Tamin'io fididianana filoha farany io, rehefa voaporofotanteraka ilay izy tany Chicago sy toerana samihafa, hoe ireo milina izay nampiasain'izy ireo handatsaham-bato, izay, izy ireo dia namboarin'ny antoko Demokraty, ka isaky ny nandatsa-bato ho an'Atoa. Nixon ianareo, dia tsy maintsy nandatsa-bato ho an'Atoa. Kennedy, amin'ilay fotoana iray ihany. Noho izany, dia tsy manana anjara iray ianareo. Ary voaporofotany!

⁵⁸ Ary nandre ny *Monitor* ianareo indray hariva, rehefa napetrak'izy ireo ny—ny fanadihadiana iray nanerana ny firenena, nanomboka tany Mississippi, atsinanana. Atoa. Nixon no nandresy tamin'io fandatsaham-bato nampitaina io, efatra sy iray. Ahoana no ahafahan'ny lehilahy iray handresy? Raha Atoa. Kennedy izany, dia ho nitovy ihany. Tsy momba ny iray amin'ny antoko aho.

⁵⁹ Ny antokoko dia any An-danitra, ary miaraka amin'izy ireo mihitsy aho eto izao hariva izao. Mipetraka ao amin'ireo toeran-Danitra izahay, miresaka ny amin'ny Mpanjakanay.

⁶⁰ Fa, hitanareo, miezaka aho ny miteny aminareo, fa ireo zavatra ny tany dia mihilangilana. Eo, tsy afaka mametraka ny fahatokianareo eo amin'izy ireo ianareo. Tsy azo antoka izy ireo. Ary ny zavatra rehetra izay tsy azo antoka, dia aleoko miala lavitra an'izany fotsiny. Tsy tiako io zavatra negatifa io. Tsy tiako ny mifangaro ao amin'ny lafiny negatifa. Tiako ho pozitifa ilay izy, ho eo amin'ny lafiny pozitifa.

⁶¹ Ankehitriny, ny fiainan-tokantrano dia lasa tsy azo antoka. Fantatrareo, nahita lahatsoratra iray aho indray andro, tao amin'ny anankiray amin'ireo gazety tany ho any, hoe ny tahan'isan'ny fisaraham-panambadiana Amerikana dia avo kokoa noho ny firenena hafa rehetra eto amin'izao tontolo izao. Nefa natao ho firenena iray mpivavaka isika. Eny, mety ho izany, fivavahana, tena tsara, saingy tsy ilay karazany tsara ilay izy. Hitanareo? Ny fivavahana dia firakotra iray fotsiny. Sarotra ny miteny hoe avy amin'ny inona no anaovantsika ny firakotsika. Niezaka nanao anankiray avy tamin'ny ravin'aviavy i Adama, fa tsy nety izany. Tena nihozongozona izany rehefa tsy maintsy nivoaka mba hihaona amin'Andriamanitra izy. Noho izany dia tsy mahatanteraka an'izany mihitsy ny fivavahana. Fa azonareo eritreretina ve ny

tahan'isan'ny fisaraha-panambadiantsika, avo kokoa noho-noho ny sisa rehetra an'ny firenena, ny tahan'isan'ny fisaraha-panambadiantsika? Mahita ny faharatsiam-pitondrantena mitombo ao an-tokantranontsika isika.

⁶² Nahavariana ny nahita, an'izany, isan-jatony lehibe teo amin'ny fanadihadiana an'ny firenena. Ary tao amin'ny... Mino aho fa tany Ohio ilay izy, hoe natao tamin'ny Kristianisma ny fanadihadiana iray, ka nanaitra hoe firy isan-jato no tsy nandeha tany am-piangonana akory aza. Ary avy eo, eo amin'ny valopolo isan-jaton'ireo izay nandeha tany am-piangonana, no tsy nahafantatra hoe nahoana izy ireo no nandeha. Tsy fantatr'izy ireo hoe nahoana izy ireo no mandeha. Mandeha any am-piangonana fotsiny izy ireo.

“Nahoana ianareo no mandeha?”

⁶³ “Eny, i neny no nitondra anay fony mbola ankizy izahay, dia manohy mandeha fotsiny izahay.” Ary—ary avy eo, ankehitriny, isan-jatony hafa iray an'izany, no nilaza fa nandeha fotsiny izy ireo mba, oh, mba hihaona amin'ireo mpiara-monina aminy ka hiresaka vetivety. Hitanareo?

⁶⁴ Nahoana, manaitra izany! Tsy mahagaga raha vita ilay fiainan-tokantrano, hitanareo, ny fiainan-tokantrano rehetra izay tsy mari-toerana.

⁶⁵ Ny vehivavy rehetra izay hanambady lehilahy iray, nefy tsy azony antoka io lehilahy io, dia tsaratsara kokoa aminy ny mamela azy hipetraka tsara. Ary ny lehilahy rehetra izay hanambady vehivavy iray, nefy tsy manana antoka, dia tsaratsara kokoa aminareo ny mamela azy hipetraka tsara. Tsaratsara kokoa aminareo ny mivavaka tsara, eo amin'izany, mandra-panomezan'Andriamanitra anareo ny valiny. Ary amin'izay fotoana izay dia izay akamban'Andriamanitra dia aoka tsy ho sarahin'olona. Fa isika—isika, voalohany, tsy maintsy mivavaka tsara isika, eo amin'izany. Eny.

⁶⁶ Ankehitriny, hitantsika fa isika dia niezaka hanova fo an'izao tontolo izao tamin'ny alàlan'ny fandaharam-pampianarana, ka nanao loto iray marina tokoa avy tamin'izany isika, tena azo antoka. Tsy afaka manova fo an'izao tontolo izao ho an'i Kristy amin'ny alàlan'ny fianarana isika. Mitarika azy manalavitra an'Andriamanitra ny fianarana, mihoatra lavitra noho ny itarihany azy mankeo amin'Andriamanitra, satria miezaka izy ny mihevitra fa lalin-tsaina kokoa ary mahafantatra mihoatra lavitra noho ny olon-kafa. Na tsara toy ny inona aza ny fianarana, dia tsy naniraka ny Fianganany hampianatra an'izao tontolo izao mihitsy Kristy. Tsy nampianatra azy ireo mihitsy Izzy, mba hanao seminera. Izzy mihitsy dia tsy nam.... Oh, tsara izy ireo. Tsy niteny tamin'izy ireo mihitsy Izzy mba handeha sy hanorina hopitaly. Mety tsara daholo izany.

⁶⁷ Fa ny raharahan'ny Fianganana dia ny mitory ny Filazantsara. "Mandehana ianareo mankany amin'izao tontolo rehetra izao, mitoria ny Filazantsara amin'ny olombelona rehetra." Hitanareo? Fa ny zavatra rehetra samihafa amin'izany, dia mihozongozona, satria any ivelan'ny fandaharan'Andriamanitra izany.

⁶⁸ Tsy azo antoka ny fiaianam-pirenena. Eny, tsy azo antoka izao tontolo izao. Miaina fotsiny ao anatin'ny toerana iray izay misy an'izao tontolo rehetra izao tratry ny fahalavoampikorontanana isika, toy ny hoe, mihilangilana tanteraka. Ny firenena tsirairay, ny olona rehetra, ny anankiray matahotra an'ilay iray hafa. Miresaka filaminana izy ireo.

⁶⁹ Izy ireo dia nanana, indray mandeha, hoy izy ireo hoe, "Oh, rehefa miady ny Ady Lehibe Voalohany isika, ka ireo zazalahintsika rehetra dia tsy maintsy mandeha any, dia izany no handamina an'ireo ady." Nahoana, tsy vitan'izy ireo akory aza ny nampanjavona ny setroky ny tafondro teny amin'ny habakabaka dia efa teo amin'ny anankiray hafa izy ireo.

⁷⁰ Noho izany dia nanana ny Ligin'ny Firenena izy ireo, ary izany no ho polisin'izao tontolo izao, saingy tsy nahomby izany. Ankehitriny izy ireo dia manana ny U.N., ary ilay zavatra iray ihany mihitsy izany. Efa tsy nahomby izany. Tsy misy na inona na inona amin'izany.

⁷¹ Ny zavatra rehetra dia mihilangilana; ny fiaianam-pirenena, ny fiaianana ara-politika, ireo milina fandatsaham-bato. Oh, oadray! Izy ireo fotsiny dia... Mihozongozona ny zavatra manontolo, ny zavatra rehetra.

⁷² Ankehitriny dia tiako ny hamelabelatra azy kely kokoa mba hampiharina. Hitanareo? Ny fiaianam-pianganana dia mihozongozona ary tsy azo antoka. Ankehitriny, izany no noresa han'i Paoly. Hitanareo? Izany no tiandy lazaina hoe, "Raha manao feo hafahafa ny trompetra." Mihozongozona ny fiaianam-pianganana. Saiky tsy mahafantatra an'izay atao ny olona. Mandeha izy ireo, mirenireny mitety fianganana, miezaka hahita hoe iza no manana an'ilay zavatra marina; avy amin'ny andry mankeo amin'ny tsato-kazo, miezaka hahita izay tsara, aiza no misy ny foto-pampianarana marina. Dia ho avy ny anankiray, ka afaka manazava an'izany izy ireo, saiky hatrany amin'ilay foto-kevitry ny fanekem-pinoan'izy ireo mihitsy, hoe tsara. Ary avy eo, ny zavatra voalohany fantatrareo, mahita fahalòvana tena betsaka ao anatin'izany izy ireo, hany ka manandrana fianganana hafa iray izy ireo, mba hahita hoe inona ny fanekem-pinoany, ny foto-pampianarany. Oh, io rehetra io, hitantsika fa izany no nampisaraka ny tenantsika arak'izany, tamin'ny alàlan'ireo zavatra ireo, ho lamin'ny fianganana an-jatony samihafa. Ankehitriny, tsy misy na inona na inona manohitra an'izany. Marina fa afaka manao an'ireo zavatra hafa izy ireo,

noho izany, dia tena manao izy ireo, ary tokony hisy zavatra tsara hivoaka avy amin'izany, any ho any.

⁷³ Saingy, hitanareo, tsy afaka mametraka ny fahatokianareo ianareo amin'ny filazana hoe, "Izaho dia mikambana amin'ny fikambanan'ireo fiangonana Metodista, ary izaho—mety tsara aho satria mikambana amin'izany." "Izaho—izaho—izaho dia mikambana amin'ny fikambanana Batista, ary mety tsara aho." Tsy afaka manao an'izany ianareo.

⁷⁴ Tsy afaka manao an'izany akory aza ianareo rehefa milaza fa ianareo dia "mikambana amin'ny fikambanan'ireo fiangonana Pentekotista." Tsy afaka manao an'izany ianareo. Tsy mahazo manao an'izany ianareo, satria tsy izany ilay izy. Hitantsika fa rehefa ny fikambanantsika Pentekotista voalohany, ilay Filankevitra Ambony, no tafapetraka tao amin'ny lamina, tsy ela loatra dia nanomboka nisaraka izy ireo avy teo, ary fisarahana avy eto, sy olana, ary foto-pampianarana. Dia jereo fotsiny ilay izy ankehitriny, hatraiza hatraiza. Hitanareo? Izany no maneho fa tsy azo antoka ilay izy. Ireo izay matoky rafi-pandaminana irery fotsiny, izany dia—tsy azo antoka izany.

⁷⁵ Ankehitriny, hilaza ianareo hoe, "Rahalahy Branham, mametraka anay eo amin'ny toeran-tsarotra iray ianao eto. Mandoko sary mainty iray mahatsiravina ianao." Fa nikasa hanao an'izany aho. Tiako ny hanao an'izany.

⁷⁶ Nataoko izany ho an'ny tanjona iray, mba ahafahako milaza an'izao. Misy zavatra azo antoka ve? Eny. Misy zavatra anankiray izay azo antoka. Oh, tena faly aho ny amin'izany, hoe misy zavatra anankiray izay azonareo ametrahana ny fahatokianareo, sy hahazo antoka fa marina izany. Oh, rehefa vita ny zavatra hafa rehetra, dia *Ity* no haharitra. Raha hamaky ao amin'ny Masindahy Matio 24:35 ianareo, dia hoy Izzy hoe, "Ny lanitra sy ny tany ho levona, fa Ny Teniko tsy ho levona." Manana fototra iray azo antoka Andriamanitra.

⁷⁷ Lehilahy antitra iray, no nilaza indray mandeha, mainty hoditra antitra iray tany Atsimo. Nitondra Baiboly iray izy, nefy tsy nahay mamaky. Dia hoy izy ireo hoe, "Ho an'ny inona no itondranao azy, ry Sam?"

⁷⁸ Hoy izy hoe, "Ity no—ity no Baiboly Masina." Hoy izy, "Voasoratra eo aminy izany." Ary hoy izy, "Mino Azy aho, avy amin'ny fonony mankany amin'ny fonony, ary mino ny fonony ihany koa," hoy izy, "satria ilay izy dia misy hoe 'Baiboly Masina' voasoratra eo Aminy."

⁷⁹ Dia niresaka taminy ilay lehilahy, nanao hoe, "Tsy mino ny rehetra izay ao Anatiny ianao?"

Hoy izy, "Eny, azo antoka. Azo antoka fa mino aho."

⁸⁰ Hoy izy hoe, “Ankehitriny, eny, ny tianao lazaina ve dia hoe manao ny zavatra rehetra izay nolazain’io Baiboly io hatao ianao?”

Hoy izy hoe, “Eny, tompoko.”

⁸¹ Hoy izy, “Ahoana moa raha nilaza tamin’i Sam io Baiboly io mba hitsofoka ao amin’itsy rindrim-bato etsy itsy? Inona no hataonao?”

Hoy izy hoe, “Hitsofoka aho.”

⁸² Hoy izy hoe, “Eny, ankehitriny, ahoana no hitsofohanao eo amin’ilay rindrim-bato nefá tsy misy lavaka iray eo?”

⁸³ Hoy izy hoe, “Raha ny Baiboly no nilaza tamin’i Sam hitsofoka, dia hisy lavaka iray eo rehefa tonga eo i Sam.” Noho izany, izany, saiky marina mihitsy izany. Hisy lavaka iray eo.

⁸⁴ Ny zavatra tokana tokony hataonareo dia mandray ny toeranareo eo amin’ny Tenin’Andriamanitra, dia Andriamanitra no hanao ny lèlana ho an’ny sisa amin’izany. Oh, io fototra lehibe io.

⁸⁵ Mino aho fa Izy no nilaza, ao amin’ny Lioka, mino aho fa izay ilay izy, rehefa nidina ny tendrombohitra, hoy Izy tamin’ireo mpianatra hoe, “Ataon’ny olona ho iza moa Aho ilay Zanak’olona?”

Dia hoy ny anankiray hoe, “‘Jeremia,’ ary ‘ireo mpaminany,’ sy ny sisa.”

Dia hoy Izy hoe, “Fa ataonareo ho iza kosa Aho?”

⁸⁶ Tamin’izany no nanaovan’i Petera an’io filazana malaza io hoe, “Ianao no Kristy, ilay Zanak’Andriamanitra velona.”

⁸⁷ Hoy Izy hoe, “Sambatra ianao, ry Simona, zanak’i Jonasy, fa tsy ny nofo aman-drà no nanambara an’izany taminao. Fa Ny Raiko izay any An-danitra no nanambara an’izany taminao. Ary eo ambonin’ity vatolampy ity no Hanorenako Ny Fiagonako, ka ny vavahadin’ny helo tsy haharesy Azy.”

⁸⁸ Inona àry izany? Eo ambonin’ny fahamarinan’ny Tenin’Andriamanitra voambara. Satria, “Tamin’ny voalohany ny Teny, ary ny Teny tao amin’Andriamanitra, ary ny Teny dia Andriamanitra. Ary ny Teny dia tonga nofo ka nonina teo anivo.” Ary voambara tamin’i Petera fa izany no Tenin’Andriamanitra voamarina. Amena.

⁸⁹ Izany no antony Nahafahany nilaza hoe, “Iza no afaka hanameloka Ahy amin’ny fahotana? Iza no afaka hiampanga Ahy? Ny zavatra rehetra nosoratan’ny Teny ny Amiko, dia Notanterahiko izany.” Andriamanitra no nanamarina an’izany, hoe Izy no Teny. Oh, izay ilay izy. Andriamanitra voaseho. Ny Teny no nilaza an’izany, ary avy eo dia Andriamanitra no manao azy ho tena misy, manao azy hiseho, maneho azy.

⁹⁰ Taona maro lasa, rehefa nilaza tamin'ny fiangonana izy ireo hoe, "Tsy misy izany karazana batisan'ny Fanahy Masina izany, fientanam-po iray fotsiny izany ka lasa manao ny tenany ho taitaitra ny olona," saingy ireo izay nandray Azy, dia nahafantatra fa izany no fahamarinana. Fantatr'izy ireo fa tena nisy Andriamanitra. Ary efa voaporofa izany, hany ka, amin'izao andro izao, ny hetsika Pentekotista an'Andriamanitra manerana an'ireo firenena, dia nampiditra betsaka tao amin'i Kristy noho ny nampidirin'ny sisa rehetra tamin'izy ireo.

⁹¹ *Our Sunday Visitor*, vao tsy ela akory izay, ilay gazety Katolika, no nilaza; mino aho fa tamin'ny taona talohan'ny farany ilay izy, na tamin'ny taona lasa, ny anankiray; hoe, "Niova fo antsasaky ny iray tapitrisa fotsiny no voasoratry ny fiangonana Katolika. Nefa, ireo Pentekotista dia nahasoratra iray tapitrisa, sy dimy hetsy." Amena.

⁹² Inona izany? Zavatra iray mitombo izany, ny Tenin'Andriamanitra, miparitaka manerana. Toy ny ahoana no tokony hankasitrahantsika! Tena betsaka ilay izy, hany ka, na dia ireo Episkopaliana aza ankehitriny, Presbyterana, Loterana, sy ny rehetra, dia tonga mba hahazo sasantsasany amin'Izany. Mariho ao amin'ny favorian'ny Business Men, mandre azy ireo miresaka olona samihafa ianareo: ny Episkopaliana, Loterana, Presbyterana. Nahoana, tena mahalana no mba andrenesanareo Pentekotista iray manao zavatra na inona na inona. Marina izany. Ireo hafa daholo ilay izy. Satria nahoana? Efa hitan'izy ireo ny fahalemen'ny fanekem-pinoany, ka niverina tamin'ny Teny izy ireo. Eo no ahitanareo fototra iray, zavatra iray izay tsy afaka mihozongozona.

⁹³ Mahita ao anatin'ao, ny Fanahy Masina miaina Ny Fiainany ao anatin'ny olombelona, maneho ny Tenany amin'izao tontolo izao. Ary izany no manao ny olona hangetaheta Azy: tsy azo hozongozonina, tsy azo lavina, ny Tenin'Andriamanitra voaseho sy maneho ny Tenany, ny Teny izy tenany velona ao amin'ny fiainan'olombelona. Zavatra iray mahafinaritra toy ny inona! Tsy misy na inona na inona hafahafa mikasika an'izany. Afaka mahita ianareo hoe taiza no nanaovan'Andriamanitra teny fikasana iray, ary indro ilay izy tonga voaseho. An-jato taonany lasa no niresahan'ireo mpaminany an'izany, ary eto isika mahita azy miseho.

⁹⁴ Tamin'ny alàlan'ny fanakianana rehetra, tamin'ny alàlan'ny fahasamihafana rehetra, tamin'ny alàlan'ny fanekem-pinoana rehetra, toy ny ahoana no niezahan'izy ireo nanitsakitsaka an'ity Tenin'Andriamanitra ity! Toy ny ahoana no niezahan'izy ireo nanao ny fianarana ho solo. Niezaka nanolo izy ireo, nanao anaram-piangonana. Nampifanjevo ny tenany izy ireo. Fa avy tamin'izany rehetra izany, dia mbola mijoro mamiratra sy mamirapiratra tahaka azy hatramin'izay foana ny Tenin'Andriamanitra. Inona izany? Izany dia io zavatra izay

azo antoka io. Hoy Andriamanitra hoe, “Ny lanitra sy ny tany ho levona, fa Ny Teniko tsy ho levona.” Noho izany, dia zavatra iray izay azo antoka izany. Raha te-hampifikitra ny tenanareeo ianareo, dia ampifikasiro ao amin’ny fonareo io Teny io.

⁹⁵ Nilaza i Davida fa nanafina Azy tao am-pony izy, mba tsy hanotany. Nosoratany teo amin’ny tongom-parafara ireo Didiny, arynofatorany tamin’ny tānany izy ireo sy hatraiza hatraiza, nametraka Ny Teniny foana teo anatrehany. Tahaka an’izany ilay izy. Hazony tsy ankitsahatra ny fisainanareo . . .

⁹⁶ Niteny tamin’i Josoa Andriamanitra hoe, “Aza mivily ho amin’ny ankavanana na ho amin’ny ankavia, miala amin’Izany. Amin’izay fotoana izay ianao dia hanao ny lālanao ho ambinina. Amin’izay fotoana izay ianao dia hahazo fahombiazana tsara.”

⁹⁷ Ary rehefa manakambana ny tenany miaraka ny fiangonana rehetra miala lavitra an’ireo fanekem-pinoany, ary eo ambonin’ny Tenin’Andriamanitra, amin’izay fotoana izay dia hahazo fahombiazana tsara ny fiangonana. Izany no ho zavatra izay hanitsaktsaka ny kominisma.

⁹⁸ Inona no nanao ny kominisma . . .? Ilay tena zavatra, mieritreritra ianareo hoe “kominisma,” rehefa manaparitaka ny fampielezan-keviny izy, ary mitombo haingana mihitsy, amin’an-tapitrisany, ka matahotra an’izany ny olona: halazo sy ho faty io kominisma io. Tsy maintsy izy. Kominisma, izy ireo afaka manao an’ity. Izy ireo mety hanao an’itsy. Mino aho fa hampiasa azy Andriamanitra, saingy, marina izany, tahaka ny Nampiasainy an’i Nebokadnezara fotsiny. Handravarava Izy, ireo—ireo—ireo . . . ireo ahi-dratsy rehetra, any ivelany, miaraka amin’ny kominisma. Saingy, izany . . . Tsia, betsaka ho an’izany. Fa, jereo. Fa ilay zavatra, ny kominisma, dia hanana fiafarana iray. Ho tonga eo amin’ny fiafarany ny kominisma.

⁹⁹ Fa ny Tenin’Andriamanitra no tsy manana fiafarana, satria tsy nanana fiandohana Izy. Amena. Mandrakizay miaraka amin’Andriamanitra Izy. Ary raha mifikitra ianareo, ka ny Teny mifikitra ao anatinareo, dia Mandrakizay miaraka amin’ny Teny ianareo. Amena.

¹⁰⁰ Tsy maintsy tonga eo amin’ny fiafarany izany. Ireo zavatra rehetra ireo dia mihozongozona. Tsy mampaninona na goavana toy ny ahoana aza no anorenan’izy ireo andry iray, tsy maintsy mianjera izany. Ny zavatra rehetra izay tsy avy amin’ny, manohitra an’ity Teny ity, na mifanohitra aminy, dia tsy maintsy miala. Tsy maintsy manome toerana izany, satria tonga am-pandresena ny Teny. Tsy misy na inona na inona afaka hampijanona Azy. Andriamanitra no efa niteny an’izany.

¹⁰¹ Rehefa Izy no miteny an’izany, ny lanitra sy ny tany ho levona, fa izany dia tsy ho levona mihitsy. Afeno ao am-ponareo ity Teny ity, ahoana no andraisana an’ity Teny ity ka hamela Azy hitombo. Tehirizo ao an-tsainareo Izy, isan’andro,

satria tsy ho levona mihitsy Izzy. Tsy ho levona mihitsy ny Tenin'Andriamanitra, satria Izzy no nilaza fa tsy ho levona Izany. Noho izany dia tiantsika ny hitahiry azy tahaka an'izany.

¹⁰² Ankehitriny, Paoly no nilaza, ao amin'ireo Soratra, tahaka ny manofana miaramila, miaramila amin'ny feo iray. Ankehitriny, ny miaramila dia tsy maintsy mianatra an'ireo feon'ny azy, an'ny anjomara na ny trompetra. Tsy fantany raha mandeha ny trompetra, mitsoka, na mba—hanafihana na mba hihemorana. Raha tsy fantany ilay fahasamihafana, dia karazana tafika mikorontana toy ny inona no hanananareo? Ilay fahavalao dia handresy marina tokoa an'ny andiana miaramila iray izay tsy voahofana tsaratsara kokoa noho izany. Amena.

¹⁰³ Izany ilay olana amin'ireo fiangonantsika amin'izao andro izao. Nanofana azy ireo teo amin'ny fanekem-pinoana isika, mifanavaka.

¹⁰⁴ Tokony hiray isika. Tokony hahafantatra trompetra iray isika. “Noho izany dia inona ilay trompetra?” hoy izy ireo. Ny trompetran'ny Filazantsara, Izany ilay izy. Ny Tenin'Andriamanitra velona no Trompetra. Aza manafangaro na inona na inona amin'Izany.

¹⁰⁵ Aza manao olona iray hitendry harpa Frantsay, ary ilay anankiray hafa hitsoka anjomara iray. Tsy misy olona mahafantatra an'izay hatao. Mitondra fifanjevoana iray izany.

¹⁰⁶ Ary niresaka mikasika ny fanofanana olona iray ho amin'ny feo iray i Paoly. Ary vantany vao maneno fotsiny io feo io, dia fantany marina tokoa izay hatao, satria ilay mpitsoka anjomara dia nahazo baiko, ary avy tamin'ny lohan'ny kapiteny. Ary rehefa mitsoka an'io trompetra io izy, dia fantatr'ilay tafika marina tokoa ny toerana ha—handrosoana, ary aiza no hihemorana, sy na hihodina any ankavanana na ankavia, na inona no hatao, amin'ny alàlan'ny feon'ilay trompetra.

¹⁰⁷ Ankehitriny, ny tafika, ny ady, efa nisy foana ny ady. Tsy nikambana tamin'ny Fiangonana mihitsy isika, na tonga tao amin'ny Fiangonana, tonga hanao fitsangatsanganana iray. Tsy maintsy fantatsika fa tonga eo amin'ny tanin'ady iray isika.

¹⁰⁸ Izaho tsy tonga mihitsy, mba hikapokapohan'ny olona ahy ao amin'ny lamosina ka hanao hoe, “Rahalahy Branham, olona iray mahafinaritra ianao.” Tsia, tompoko. Tonga eo aho mitafy ampinga iray. Tsy mila ampinga iray ho an'izany aho. Tonga miaraka amin'ny fiarovan-doha sy ny fitaovam-piadiana aho. Tonga mba hiady aho, hiady ny inch tsirairay an'ilay tany.

¹⁰⁹ Niteny tamin'i Josoa Andriamanitra hoe, “Ny toerana rehetra izay hitsahin'ny faladihanao, dia Omeko anao izany.” Noho izany, ny dian-tongotra dia nidika hoe fananana.

¹¹⁰ Ary rehefa tonga eo amin'ny toerana iray ny fiangonana, dia manao marimaritra iraisana amin'ny fanekem-pinoana

izy, sy manao marimaritra iraisana amin'ny Teny, ary manao marimaritra iraisana amin'izao tontolo izao, no tiako lazaina, noho izany dia veriny ny tany. Mihemotra izy.

¹¹¹ Ny ilaintsika izao hariva izao dia miaramila mba hahazo ny teny fikasana Masina rehetra an'ity Baiboly ity, izay nampanantenain'Andriamanitra an'ilay Fiagonana, ireo fitaovam-piadian'Andriamanitra manontolo, ka hijoro. Izany no ilaintsika, miaramila; tsy hoe manao fanamiana ho fitafiana iray fanaovana matso, hafa foana izany. Rehefa ny lehilahy iray...

¹¹² Ny firenena tsirairay, manana mpitsikilo isika manerana ny firenena rehetra. Manana mpitsikilo Alemandy isika eto. Manana mpitsikilo Anglisy isika eto. Isika manana—manana mpitsikilo isika any Angletera. Inona no ezahan'izy ireo hatao? Miezaka izy ireo ny hahita hoe karazana fitaovana inona, karazana baomba inona, no ananan'ilay anankiray hafa. Ny F.B.I. dia saiky misy isaky ny firenena. Mandinika izy ireo, mba hahita. Mahari-miaina tahaka an'izany izy ireo. Mandinika izy ireo ary mahita hoe karazana baomba inona no ananan'ilay anankiray hafa. Avy eo dia mandalo izy ireo ka manamboatra an'ilay izy tsaratsara kely kokoa, na manamboatra zavatra iray hanoherana an'izany. Tsy mifampatoky izy ireo, ao amin'ireo firenena, satria izany no maneho fa mihozongozona ireo firenena. Nahoana, hanapoaka antsika i Angletera, ao anatin'ny adiny iray, raha hanapaka eo amin'ny lâlany isika, na isika no hanapoaka azy ireo. Mila olona iray fotsiny eo amin'ny lohan'ilay zavatra eo, haka fisstro kely iray na roa, be loatra, na mifanditra amin'ny zavatra iray, dia lasa ilay izy amin'izay fotoana izay.

¹¹³ Teto vao tsy ela akory izay, izy ireo no nilaza, potin'entana kely iray hoe, "Vita tany Japon," nandritry ny ady. Nokapokapohin'izy ireo teo amin'ny gorodona izany, ary nohitsahiny, ireo tia tanindrazana. Ary ankehitriny dia handoa ny vidiny iray ho an'izany goavana kokoa noho ny zavatra rehetra izay vidianareo ato amin'ny firenena ianareo. Inona no nitranga? Hamerina ny ain'ireo zazalahy izay maty tany ireo ve izany? Tsia tokoa.

¹¹⁴ Inona izany? Tsy ahoako na impiry no iadianareo ho an'ireo zavatra ara-materialy, ianareo dia handeha, tsy hidika zavatra anankiray izany. Hirodana izany. Fa misy ady anankiray izay azonareo idirana sy ahazoanareo tany izay tsy azo esorina aminareo mihitsy. Izany dia ny feon'ny Filazantsaran'ny Trompetran'ny Tenin'Andriamanitra, ary manana an'ireo fanomezam-pahasoavana sy teny fikasana izay Omeny ho an'ilay Fiagonana. Izany tokoa. Ankehitriny, mahita isika—mahita isika, manome an'io feon'ny trompetra io.

¹¹⁵ Ankehitriny, ny firenena tsirairay dia miezaka mampitao an'ireo zazalahiny amin'ny fiarovana tsara indrindra izay

azon'izy ireo ananana. Ankehitriny, fantatro, fa indraindray dia tsy mora entina ireo fitaovam-piadiana ireo.

¹¹⁶ Nanana rahalahy iray aho, “Rookie,” no iantsoan’izy ireo azy, nandeha teo izy, ary nanome azy entana sivifolo livatra teo amin’ny lamosiny ny tafika. Nefa saiky izany mihitsy no lanjany. Nomen’izy ireo angady iray izy, mba hangadiana lavaka iray; basy iray, ary andiana grenade enti-tànanana iray manontolo. Ary, oh, tsy mbola nahita entana iray tahaka an’izany mihitsy aho! Zara aza ilay lehilahy kely raha afaka nihetsika. Dia nentin’izy ireo teny amin’ny lèlana izy ho an’ny dia an-tongotra dimy maily. Toy ny hoe namono azy izany. Hoy izy hoe, “Ho an’ny inona ity hadalana ity? Inona no ilaiko an’ity fiarovan-doha ratsy goavana be ity?” Ankehitriny, jereo. Fantatry ny tafika fa hila an’io izy indray andro any. “Inona no ilaiko angady iray, eto amin’ny lèlalalaka, eo am-pandehanana?” Tsaratsara kokoa ny mizatra mampiasa azy. Mety ilainareo izy.

¹¹⁷ Tsy hizara zavatra mihitsy ny governemanta raha tsy fantatrareo... fantatr’izy ireo fa tsy maintsy hampiasa an’izany ianareo. Tsy maintsy miofana ho an’izany ianareo. Mahita an’ireo zavatra tsara indrindra izay mety hitany izy ireo, mba fiarovana anareo, satria liana amin’ilay firenena izy ireo. Liana aminareo mba ho voaaro amin’ny tsara indrindra izay vitanareo izy ireo, ho afaka amin’ireo bala. Efa tahaka an’izany foana ilay izy.

¹¹⁸ Nanomboka tao amin’ny sahan’i Edena izany. Ary manofana Ny Fiangonany Andriamanitra. Ary ny . . .

¹¹⁹ Fantatrareo, tsy maintsy manatsara foana isika. Ankehitriny, ireo fiamaramidina izay nampiasaintsika fahiny tamin’ny Ady Lehibe Voalohany; ny Ady Lehibe Faharoa, nahoana, ireo fitaovana kely teny amin’ny habakabaka dia nesorina avokoa, rehefa nametraka an’ireo fiamaramidina tena goavana tsara tarehy izay nananany izy ireo. Nahoana, tsinontsinona izy ireo. Ary ankehitriny, ireo izay vao avy nampiasan’izy ireo tamin’ity ady farany ity, dia tsy azo ampiasaina intsony ankehitriny. Tsy mila azy ireny intsony izy ireo. Manana fiamaramidina haingam-pandeha izy ireo. Ary, hitanareo, miezaka manatsara foana ianareo, manatsara ny zavatra ho an’ny fiarovana.

¹²⁰ Fa mba fantatrareo moa? Andriamanitra dia tsy mila manatsara. Andriamanitra dia nanome ho an’ireo Zanany, ireo Miaramilany, ny zavatra tsara indrindra izay azo nomena azy ireo. Rehefa Nomeny izy ireo, dia inona no Nomeny azy ireo? Nomeny azy ireo Ny Teniny tao amin’ny sahan’i Edena, ary tsy maintsy niaro ny tenany tao ambadiky ny Tenin’Andriamanitra ny olona, ka tsy nisy devoly afaka nahazo azy. Mijanòna ao amin’ny Teny.

¹²¹ Ankehitriny, nitsikilo ilay fahavalo, Satana, niezaka hahita an'izay azony hatao handavaka an'izany. Noho izany izy-fantany fa tsy afaka ho tonga fotsiny izy ka hihambo aminy, noho izany ny zavatra tokana izay azony natao dia ny nanao azy handanjalanja. Ary izany no ampiasain'Andriamanitra amin'izao andro izao, mba hiarovana Ny Fiangonany, dia Ny Teniny. Dia tonga eo Satana miaraka amin'ny herin'ny fandanjalanjana. Fantatr'i Satana fa izany ilay tataka kely. Izany ilay toerana izay mora ianjeran'ny olona indrindra, dia amin'ny fandanjalanjana.

¹²² Hoy ianareo hoe, “Ankehitriny, avelao fotsiny aho handanjalanja miaraka amina. Tena ilaina ve izany ankehitriny?”

¹²³ Raha Andriamanitra no nilaza fa tena nilaina izany, dia tena ilaina izany, na tsy maintsy hitomany isika, sy higogogogo, ary hanao an'ity rehetra ity. Raha Andriamanitra no nilaza fa tena ilaina ny batisan'ny Fanahy Masina, dia tsy ahoako na mavesatra toy ny ahoana aza Izany, ary na izao tontolo izao firy no tsy maintsy ilaozanareo, dia tsy maintsy hampiasa an'Izany ianareo, indray andro any, mba hijanona ho velona. Ny fomba tokana an'ny fahari-miaina.

¹²⁴ “Ankehitriny, tokony hampiasa ny fanasitranana avy amin'Andriamanitra ve isika, nef a isika dia manana an'ireo dokotera tsara indrindra eto amin'izao tontolo izao?”

¹²⁵ Andriamanitra dia nanome anareo ny fanasitranana avy amin'Andriamanitra satria Fantany fa tsy maintsy hampiasa an'izany ianareo. Nomeny anareo ireo fanomezan'ny Fanahy.

¹²⁶ Ary vantly vao nanatona an'i Eva i Satana, dia nanomboka nandanjalanja niaraka taminy izy. Ankehitriny, “Azo antoka tokoa, azo antoka tokoa, fa Andriamanitra dia tsy hanao an'izany.”

¹²⁷ Hoy ny olona amin'izao andro izao hoe, “Tsy misy izany helo izany.” Betsaka amin'izy ireo no miteny anareo an'izany. Hitanareo? “Oh, azo antoka tokoa fa tsy handoro an'ireo Zanany Andriamanitra.”

¹²⁸ Izany tokoa, tsy mandoro an'ireo Zanany Izy. Fa ny devoly dia handoro, ny azy. Zanak'iza ianareo? Izany ilay zavatra manaraka. Ny helo dia noforonina ho an'ny devoly sy ireo zanany, fa tsy ireo zanak'Andriamanitra. Tsy misy anankiray amin'izy ireo handeha ao. Marina izany. Ilay izy dia miankina amin'ny hoe zanak'iza ianareo.

¹²⁹ Ankehitriny, nomen'Andriamanitra an'i Eva sy Adama Ny Teniny, ary tsy nanova an'Izany mihitsy Izy. Izy isan'andro dia... Ilay Kristiana, na ilay mpino, ny Fiarovany dia ny Teny.

¹³⁰ Ny lanitra sy ny tany ho levona. Ny faneke-pinoana tsirairay ho levona. Ny anaram-piangonana tsirairay ho levona.

Ny firenena tsirairay hilentika. Fa ny Tenin'Andriamanitra haharitra, Mandrakizay. Hisy fotoana iray izay tsy hamiratan'ilay kintan'ny maraina intsony. Hisy fotoana iray izay tsy hamiratan'ny masoandro, sy tsy hamiratan'ny volana, ary tsy hihodinan'ny tany amin'ny fihodinany.

¹³¹ Fa ny Tenin'Andriamanitra dia hijanona tsy miova mandrakizay. Eny. Izany dia zavatra iray izay tsy mety mihetsika, zavatra iray izay azonareo iankinana. Azo antoka izany. Milaza zavatra iray Andriamanitra, dia azo antoka fa hitranga izany.

¹³² Raha nilaza Izy, tao amin'ny sahan'i Edena, ny amin'ny Mpanavotra iray, fa handefa ny Mesia Izy, dia azo antoka fa ho tonga izany. Na dia niandry efatra arivo taona aza izy ireo, fa tonga teo Izy. Tsy maintsy tonga Izy satria izany no Tenin'Andriamanitra iray nampanantenaina.

¹³³ Nampanantena ny handefa Azy indray Andriamanitra. Ho eto Izy. Tsy ahoako na tsi-mahatoky sy mpisalasala firy no mitsangana, na inona na inona atao'n'izy ireo, kominisma firy no miparitaka, ho avy Jesosy Kristy, ary haka Fiagonana iray izay voasasan'ny Rà, ka hitondra azy eo amin'ny fitsangatsanganandanitra iray any An-danitra. Nahoana? Azo antoka fa hisy izany. Ny Tenin'Andriamanitra no niteny an'izany.

¹³⁴ "Raha mety mino ianao, dia azo atao ny zavatra rehetra." Azo antoka izany. Andriamanitra no niteny an'izany, ary tsy afaka miova izany, tsy azo hetsiketsehina. Andriamanitra no niteny an'izany, raha hijanona miaraka amin'izany fotsiny ianareo (Ankehitriny...) ka hanana finoana an'izany, hino an'izany.

¹³⁵ Tsy feo hafahafa iray izany. Tsy afaka manao feo hafahafa iray Andriamanitra. Ireo fanekem-pinoana no afaka manao feo hafahafa iray. Ireo anaram-piagonana no afaka mitory feo hafahafa iray. Fa Andriamanitra dia tsy afaka mamoaka feo hafahafa iray. Ary ity Teny ity dia Andriamanitra. Ary tsy misy tsy azo antoka mikasika Azy. Azo antoka ny kely tsirairay amin'Izany.

¹³⁶ Ankehitriny, ilay Fiagonana lehibe dia ampitaovan'ny Teny. Ankehitriny, rehefa tonga Jesosy, dia nampiasa an'io fitaovam-piadiana iray io ihany ve Izy? Nampiasa tokoa Izy.

¹³⁷ Rehefa nanatona Azy i Satana, tamin'ny heriny rehetra, ka hoy izy hoe, "Raha ianao no Zanak'Andriamanitra, dia manaoava zavatra *izao, izao*."

¹³⁸ Hoy Izy hoe, "Voasoratra hoe..." Niverina avy hatrany tamin'ny Teny. Nizaha toetra Azy avoavo kely kokoa i Satana. Fa, Jesosy, dia niverina avy hatrany tamin'ny Teny hoe, "Voasoratra hoe..."

¹³⁹ Nijanona teo Izy, teo amin'io Teny io, maneho ohatra iray amintsika. Araka ny Nolazainy ao amin'ny Korintiana Voalohany, voalohany...Masindahy Jaona 14:13 hoe, "Nanome ohatra iray ho anareo Aho." Ary izany no ohatra iray, hoe isika dia tokony mihitsy, isika dia tokony hametraka tanteraka mihitsy ny fahatokantsika ao amin'ny Tenin'Andriamanitra. Aoka ny zavatra hafa rehetra ho lainga. [Elanelana tsy voaraki-peo—Mpand.]

¹⁴⁰ Izany no zavatra tokana izay azo antoka. Andriamanitra no nanao ny teny fikasana. Hihazona ny teny fikasana Andriamanitra. Hoy izy ireo hoe, "Ahoana no ahafahan'ity zavatra ity hitranga? Ahoana no Ahafahany manangona andian'olona iray, miaraka amin'ny fahasoavan'ny Fampakarana, handeha hiakatra?" Tsy fantattro hoe ahoana no Hanaovany an'izany. Tsy asako ny manontany hoe ahoana no Hanaovany an'izany. Ny asako dia ny ho vonona ho an'izany fotsiny. Izy no nampanantena an'izany. Hitranga izany. Niaro Ny Fiagonany tamin'ny alàlan'ny Teny.

¹⁴¹ Ary ny zavatra voalohany dia ny fandanjalanjana. Ankehitriny dia hoy izy ireo hoe, "Tsy mety tsara ve ankehitriny, raha mikambana amin'ity fiagonana ity aho, tsy efa tena tsara mihitsy ve itsy fiagonana itsy?"

¹⁴² Fiagonana anankiray ihany no azonareo ikambanana. Tsy hikambana amin'Izany mihitsy ianareo. Mety mikambana amin'ny trano fialofana ianareo, trano fialofana Metodista, sy trano fialofana Presbyterana iray, sy trano fialofana Batista, ary trano fialofana Pentekotista. Fa teraka tao amin'ny Fiagonan'i Jesosy Kristy ianareo, noho izany dia io ilay Fiagonana.

¹⁴³ Iretsy dia trano fialofana, izay ahatongavan'ny olona miaraka, tahaka an'ireo goaika mipetraka eo ambonin'ity rantsan-kazo ity, sy ireo voromailala eo amin'ity rantsan-kazo ity, sy—sy ny sisa. Izany no fiombonanareo izay anananareo miaraka, rehefa mizara an'ilay sakafio iray ihany ianareo.

¹⁴⁴ Fa rehefa tonga eo amin'ny hoe ny Fiagonan'i Jesosy Kristy ilay izy, dia lèlana tokana ihany no misy. Izany dia ny Fahaterahana. Fahaterahana!

¹⁴⁵ Izany dia tahaka ny olona iray fotsiny, tahaka ny nolazaiko matetika, tahaka ny voromainty iray mipetraka eo ambonin'ny rantsan-kazo, miezaka mametraka volon'ny vorombola eo amin'ny elany, ka manao hoe, "Hitanareo, vorombola mianjonanjona iray aho." Hitanareo? Izy no nametaka an'ireo volom-borona ireo, izy tenany. Raha vorombola tena izy izy, dia ho namokatra an'io karazana volom-borona io ny natiorany.

¹⁴⁶ Raha Fiagonan'Andriamanitra velona ilay Fiagonan'Andriamanitra velona, dia hamokatra ny Tenin'Andriamanitra velona izy. Tsy mila manampy volon'ny vorombola ianareo na aiza na aiza. Ary ny volom-borona

tsirairay ao anatiny ao dia hiraikitra amin'ny vorombola iray. Afaka mino an'izany ianareo. Ary ny volom-borona tsirairay izay mikambana ao amin'ilay Fianganan'Andriamanitra dia ho ny Tenin'Andriamanitra. Tsy hanatsofoka zavatra hafa afa-tsy ny Teny mihitsy Izy. Amena. Satria, ny natioran'ilay Fanahy dia hamoaka ny Teny irery ihany. Amena. Manomboka mahatsapa ho mpivavaka aho. Marina.

¹⁴⁷ Tsy hoe zavatra izay ezahanareo hatao, tsy zavatra izay amboarinareo. Ianareo tsy afaka manamboatra fiva-... Tsy afaka manamboatra famonjena ianareo. Tsy afaka manamboatra an'ireo fanomezam-pahasoavana ianareo. Tsy maintsy hitondra an'ireo fanomezam-pahasoavana ianareo. Izany tokoa. Hitanareo? Ny-ny ondry dia tsy, tsy manamboatra volonondry izy. Manana volonondry izy satria ondry iray. Mitondra volonondry fotsiny izy. Ny-ny-ny hazo serizy dia tsy manamboatra serizy. Mitondra serizy fotsiny izy, satria izany ilay ainy.

¹⁴⁸ Ary ilay Fianganan'Andriamanitra velona dia tsy manatsofoka an'Ity, mba hiezaka hanao ny tenany hitovy amin'ny zavatra iray. Efa izay maha-izy azy ireo, nohon'ny fahasoavan'Andriamanitra. Ary miraikitra amin'izy ireo ny Tenin'Andriamanitra, ary izy ireo miraikitra amin'ny Teny. Ary ireo asa izay nivoaka tao amin'io anankiray tanteraka io, Jesosy Kristy, Andriamanitra voaseho tao amin'ny nofo, dia hamokatra ny tenany ao amin'ny mpino tsirairay nateraka indray. Izy no niteny an'izany. Amena. Tsy misy na inona na inona hafa. Ankehitriny, izany no zavatra iray azo antoka.

¹⁴⁹ Ankehitriny, izany dia ho-ho fifanjevoana kely ho an'ny olona iray, raha tsy nahafantatra an'ilay tena feon'ny trompetra mihitsy izy. Ankehitriny, ilay olona izay tsy mbola nofanina ho an'ilay trompetra mihitsy, ka tsy mbola nandre azy mihitsy, eny, dia mety hifanjevo kely izy rehefa mandre feon-javatra iray hafa noho izay efa reny. Efa nandre foana izy hoe, "Mikambàna amin'ny fianganana. Ento eto sy eto ny taratasinareo." Mety ho tena tsara izany. Izay ihany no fantany.

¹⁵⁰ Saingy avy eo rehefa miverina ianareo, mikasika ny batisan'ny Fanahy Masina, miresaka mikasika ny herin'Andriamanitra sy ireo zavatra izay Ataony; ary ahoana no anaovan'izany an'ireo vehivavy sy lehilahy, izy roa, hanadio ny tenany, avy amin'ny fiainam-pahotana iray; ahoana no anaovan'izany azy ireo handeha masina, mahitsy fo. Ary ireo zavatra izay ataon'izany, dia mamokatra ny batisa, miteny amin'ny fiteny tsy fantatra, manasitrana ny marary, mandroaka devoly, maminany, ireo fanomezam-pahasoavana, oh, ireo fahitana, ny zavatra rehetra ao anatin'ilay Fianganana. Haleloia! Marina izany. Rehefa tonga izany, amin'izay fotoana izay dia fifanjevoana kely iray izany ho an'ireo izay tsy mbola nandre an'io karazana trompetra io mihitsy.

¹⁵¹ “Eny,” hoy ianareo, “tsy mampianatra an’izany ny fiangonako.” Amin’izay fotoana izay dia tsy mitsoka ny trompetran’ny Filazantsara ilay izy. Vonitorahitra! Marina.

¹⁵² Fa ho an’ireo miaramila voaofana, haleloia, rehefa mandre an’io feon’ny trompetra io izy ireo, dia fantatr’izy ireo hoe ahoana no tokony itsanganana ao amin’ny laharana. Mandrosoa, ry miaramila Kristiana! Vonitorahitra! Oh, azo antoka izany!

“Ahoana no ahafantararanareo fa azo antoka izany?”

Eo amin’ny Teny izany.

“Eny,” hoy ianareo, “tsy mampianatra an’Izany ny fiangonanay.”

¹⁵³ Fa ilay trompetra no mitsoka an’Izany. Tsy tiako ny ho voaofana amin’ny fanekem-pinoam-piangonana iray, satria hihozongozona izany ka hianjera. Fa raha voaofana amin’ny Teny ianareo, dia ny lanitra sy ny tany ho levona, fa ity Teny ity tsy ho levona mihitsy. Ny fanekem-pinoana tsirairay, ny zavatra hafa rehetra, dia hianjera. Fa ity Teny ity tsy ho levona mihitsy. Amena. Izany ilay feo. Izany ilay feo izay tiako ho renesina. Eny, tomopoko.

“Oh,” hoy ianareo, “ahoana no ahafantarako?”

¹⁵⁴ Hoy Jesosy hoe, “Ny Ondriko mandre ny Feoko. Fantatr’izy ireo ny Trompetrako.” Nilaza Izy, ao amin’ny Masindahy Jaona, ny toko faha-14 ary ny andininy faha-12 hoe, “Izay mino Ahy, ireo asa izay Ataoko no hataony koa.” Ankehitriny, Izy no nilaza an’izany.

Raha hoy ny olona iray hoe, “Eny?”

¹⁵⁵ Hoy ny Hebreo 13:8 hoe, “Jesosy Kristy no tsy miova omaly, anio, ary mandrakizay.”

“Oh,” hoy izy ireo, “amin’ny fomba anankiray.”

¹⁵⁶ Ankehitriny, ny tena ondry iray dia hanao hoe, “Ah-oh. Oh, misy zavatra midridridridry, ao amin’izany. Tsy maneno tsara izany. Oh, mety ho anjombona Frantsay iray izany. Tsy trompetra iray izany, satria ny Baiboly dia tsy manao feo hafahafa.”

¹⁵⁷ Izao no voalaza, “Ianareo handray ny Fanahy Masina.” Tsy hoe, “Ianareo dia mety.” “Ianareo handray, ny tsirairay avy.” Hatraiza? “Ho an’ny zanakareo, sy ho an’ny zanaky ny zanakareo, ary ireo lavitra, arak’izay hantsoin’ny Tompo Andriamanitsika.” Hitsoka ny trompetra ao amin’ny firazanana tsirairay sy ny taranaka tsirairay izany, ka handre ny Feony izy ireo. Hino an’Izany izy ireo, ireo izay voalahatra ho amin’ny Fiainana. Amena. Hino an’Izany izy ireo satria fantatr’izy ireo fa Izany no trompetran’ny Filazantsara maneno. Tsy hafahafa izany. Ny miaramila tsirairay dia mahafantatra hoe ahoana no hitsanganana.

¹⁵⁸ Ankehitriny, efa hitanareo i Petera, sy Jaona, Jakoba, ary ilay fiangonana voalohany, nandeha nandroso tamin'io lèlana io, satria ilay trompetra, Jesosy, dia nanao hoe, "Mandehana ianareo mankany amin'izao tontolo rehetra izao, mitoria ny Filazantsara." Marka 16, hitanareo, "Izao famantarana izao no hanaraka an'ireo izay mino." Hitantsika i Petera, Jakoba, Jaona, ny sisà tamin'izy ireo nilahatra, nandeha nankeo amin'Izany.

¹⁵⁹ Nefa mihogina amin'ny lèlana hafa iray ve isika, hanalavitra an'Izany? Ny anankiray mandeha mandroso, ny iray hafa mandeha mihemotra? Ny anankiray manao hoe, "Eny, izany dia ho an'ny iray hafa. Izany, izany—izany feo izany, dia ho an'ny iray hafa." Oh, tsia. Tsy mety ho izany ilay izy.

¹⁶⁰ Ny tafika Kristiana manontolo dia mandre an'ilay trompetra. Andriamanitra no nilaza fa izany ilay trompetra. Tsy afaka manova an'izany Izy. Izany ilay feo izay Nolazainy fa ho tsofina. "Izany no hahafantaran'ny olona rehetra," dia mandeha ilay Fiangonana.

¹⁶¹ Ny sasany amin'izy ireo dia tsy mino Ny Fihaviany arabajiteny. Ny Baiboly dia nilaza fa ho avy Izy, noho izany dia miandry Ny Fihaviany isika. Raha tsy eto Izy izao hariva izao, dia hiandry isika amin'ny maraina. Raha tsy eo Izy amin'ny maraina, dia hiandry Azy isika rahampitso hariva. Ary hanohy hiandry isika. Raha nodimandry isika, ny—ny... tsy foana ny ahafatesantsika. "Fa ny trompetran'Andriamanitra dia hitsoka an'io trompetra farany io, ka hitsangana ny maty ao amin'i Kristy. Ary isika izay velona ka mitoetra dia hakarina miaraka amin'izy ireo, mba hitsena ny Tompo eny amin'ny habakabaka, ary ho any mandrakizay." Izany no feon'ilay trompetra. Na velona aho na lasa, dia tsy manao fahasamihafana iray izany. Handre an'ilay feo aho. Hitsangana aho. Voninahitra ho an'Andriamanitra! Mitsangana. Oh, eny. Eny.

¹⁶² Jesosy no nilaza, hoe, "Ny Ondriko mandre ny Feoko." Izy no Teny tonga voaseho. Rehefa ny... Tahaka an'izany no ahafantaran'ny Ondriny Azy.

¹⁶³ Jereo ireo Fariseo sy izy ireo tamin'izany andro izany. "Oh," hoy izy ireo, "Belzeboba io Lehilahy io." Rehefa niteny tamin'ilay vehivavy teo amin'ny fantsakana Izy, teo, mikasika ny fahotany, ireo vady izay nananany, rehefa niteny tamin'i Natanaela Izy hoe taiza izy, teo ambanin'ny hazo izay niantsoan'i Filipo azy, teo ambanin'ny hazo aviavy, nivavaka, nahoana, hoy ireo mpampianatra tamin'io andro io hoe, "Belzeboba io Lehilahy io. Devoly iray Izy. Mpanao hatsarana iray Izy."

¹⁶⁴ Fa tsy tahaka an'izany ho an'i Petera, Jakoba, ary Jaona, ny sisà tamin'izy ireo. Fantatr'izy ireo izany. Nahoana? Fantatr'izy ireo fa Andriamanitra no nilaza fa rehefa ho tonga ny Mesia, eo ambanin'ny feo voatsindrimandry an'i Mosesy, dia ho mpaminany iray Izy. Ary rehefa hitan'izy ireo fa voaseho sy vita

tanteraka ireo zavatra izay Nolazainy, dia fantatr'izy ireo fa izany no sakafon'ondry. Fantatr'izy ireo fa izany ilay trompetra. Dia nanomboka nanaraka an'izany izy ireo. "Ny Ondriko mahafantatra an'izany," satria nahita ny Tenin'Andriamanitra voaseho izy ireo.

¹⁶⁵ Ankehitriny, ny olona amin'izao andro izao, tsy mino izy ireo fa misy izany karazana batisan'ny Fanahy Masina izany. Tonga eto na any ho any izay ananan'izy ireo ny Fanahy Masina, dia mahita ny teny fikasan'Andriamanitra tanteraka marina tokoa izy ireo, nahoana, "Ny Ondriko mandre ny Feoko." Fantatr'izy ireo ny feon'io trompetra io satria izany no Baiboly. "Jesosy Kristy no tsy miova omaly, anio, ary mandrakizay." Mbola ny Hebreo 13:8 foana Izy, marina tokoa.

¹⁶⁶ Tsy ahoako, ankehitriny, tsy manao fahasamihafana mihitsy na kely aza na anjombom-piagonana firy no mitsoka. Manana klakisaonim-piagonana betsaka isika, fantatrareo, mampaneno ny zavatra rehetra, manao hoe, "Oh, efa lasa ireo andron'ny fahagagana. Tsy misy izany karazana fanasitranana avy amin'Andriamanitra izany."

¹⁶⁷ Oh, ny tena ondry dia tsy mihaino an'izany. Fa mihaino an'io trompetra io izy ireo, io pozitifa io.

¹⁶⁸ Mety mitsoka ny zavatra rehetra io anjombom-piagonana io. Ianareo mety . . . Jereo hoe inona no ananany amin'izao andro izao, ireo anjombom-piagonana. Ny anankiray mihazakazaka amin'ity lèlana ity, ary ny anankiray mihazakazaka amin'itsy lèlana itsy. Dia mipetraka mihataka ny devoly, manao hoe, "Ry tovolahy, miady fotsiny izy ireo. Izay ihany. Tsy mila manetsika ny tànako akory aza aho."

¹⁶⁹ Fa, rahalahy, avelao izy ireo handray fitaovam-piadiana indray mandeha, hiverina eo amin'ireo baiko ankabobeny. Oh, oadray! Amin'izay fotoana izay ianareo dia hahita ny "mandrosoa, ry miaramila Kristiana," marina, tsy mihaino an'ireo anjombona, fa mihaino an'ilay trompetra.

¹⁷⁰ Ndao isika hijanona fotsiny, mandritry ny iray minitra fotsiny, ka hiverina ary hijery vitsivitsy ankehitriny. Miomana ny hamarana isika, satria tsy te-hihazona anareo eto ela loatra aho. Fa ndao isika hiverina ka hijery sasantsasany izay nandre an'io feo io. Ndao alaintsika . . . Ary nahazo antoka izy ireo. Ankehitriny, efa nasehoko anareo fa ny zavatra hafa rehetra dia tsy azo antoka. Ndao isika haka olona anankiray fotsiny, vetivety.

¹⁷¹ Ndao alaintsika i Joba mpaminany. Ankehitriny, nandalo fitsapana iray io lehilahy io, saingy fantany fa nitaky fanatitra dorana iray Andriamanitra. Izany no notakian'Andriamanitra, ary izay ihany no Notakiany. Ary tsy mampaninona na firy ny loza nitranga tamin'ny tokantranony . . . Andriamanitra dia tsy isan'andro . . .

¹⁷² Rehefa mahita zavatra ratsy mihatra amin'ny olona iray ianareo, dia tsy midika izany fa hoe voakaravasin'Andriamanitra izy. Izany dia tsy hoe mety any ivelan'ny sitrapon'Andriamanitra izy. Izy no mahafantatra ao am-pony na mihaino an'ilay trompetra izy na tsia.

¹⁷³ Nitaky an'io fanatitra dorana io Andriamanitra, ary nijoro tsara teo amin'izany i Joba. Izay ihany. Hoy izy ireo hoe, "Joba, mpanota miafina iray ianao. Nanao zavatra izay ratsy ianao." Saingy nahafantatra tsaratsara kokoa izy. Nijanona teo mihitsy izy, satria efa reny ny feon'ilay trompetra, ka nijanona tsara teo niaraka tamin'izany izy.

¹⁷⁴ Ary, farany, teo amin'ilay fiafaran'ny farany mihitsy, rehefa izy no... Navotsotra nankeo aminy ny devoly, ka naka ny fianakaviany, sy naka an'ireo zanany, naka an'ireo ramevany, ary naka ny harenany rehetra, ka namotika ny fahasalamany manokana. Nipetraka teo ambonin'ny antontan-davenona izy. Toy ny hoe vita ny zavatra rehetra. Saingy mbola nilaza foana izy hoe, "Fantattro fa velona ny Mpanavotra ahy. Amin'ny andro farany dia hitsangana eto ambonin'ny tany Izy. Na dia ravan'ireo kankan'ny hoditra aza ity vatana ity, dia mbola hahita an'Andriamanitra ao amin'nynofoko aho." Tsy misy na inona na inona hafahafa mikasika an'izany, sa tsy izany? Tsy hoe, "Izaho—izaho—izaho—karazan'ny mihevitra aho fa velona Izy." Hoy izy hoe, "Fantattro fa velona Izy, ary amin'ny andro farany dia hitsangana eto ambonin'ny tany Izy. Na dia ravan'ny kankan'ny hoditra aza ity vatany ity, dia mbola hahita an'Andriamanitra ao amin'nynofoko aho." Oh, oadray! Nitranga izany. Tena nahazo antoka izy.

¹⁷⁵ Abrahama, nandeha teny an-tsaha indray andro, dia nandre an'Andriamanitra nanao hoe, "Abrahama, Izaho dia..." Nihaona tamin'i Abrahama talohan'ny Teny voasoratra Izy, ka hoy Izy hoe, "Abrahama, hanome zanakalahy iray ho anao Aho amin'ny alalan'ny vadinao, Saraha." Ary dimy amby enimpolo taona izy tamin'io fotoana io, ary Abrahama dimy amby fitopolo taona. Dia nivonona ho an'izany izy ireo, ary tsy menatra nijoro vavolombelona izy. Fantany fa hahazo an'ilay zanakalahy izy.

¹⁷⁶ Ary hoy ny Baiboly hoe, "Tsy niahahanana tamin'ny teny fikasan'Andriamanitra tamin'ny tsi-finoana izy, fa resy lahatra tanteraka." Amena. Resy lahatra tanteraka, izany dia midika fa nihaona tamin'ilay fara-teny izy. Amena. Izay ilay izy. Ny fara-teny no faran'ilay lalana. Izany ilay zavatra farany. Izany no—izany no rehetra amin'ilay izy.

Hoy izy hoe, "Tena resy lahatra aho fa, izay nampanantenain'Andriamanitra, dia hain'Andriamanitra hatao."

¹⁷⁷ Ianareo ve, izao hariva izao, tena resy lahatra ve ianareo fa ity no Fanahy Masina? Tena resy lahatra ve ianareo, fa ity no

làlana? Tena resy lahatra ve ianareo, fa Izy dia Mpanasitrana iray? Tena resy lahatra ve ianareo fa ho avy indray Izy? Tena resy lahatra ve ianareo fa Izy no tsy miova omaly, anio, ary mandrakizay? [Hoy ny fiangonana hoe, “Amena.”—Mpand.] Amen. Tena resy lahatra! Eny.

¹⁷⁸ Ndao isika hitondra anankiray hafa, Elia, nitsangana teo amin’ilay tendrombohitra tany. Nifamaly tamin’i Jezebela sy ny tarehiny miloko izy, ary somary leo kely an’izany izy. Mikasika an’ireo lamaodim-behivavy manaraka an’ilay vadin’ny filoha, angamba volo tapaka voatondra-drano sy na inona na inona nananan’izy ireo tamin’izany andro izany. Nifamaly betsaka ny amin’izany izy hany ilay izy—saiky nandreraka azy ilay izy.

¹⁷⁹ Avy hatrany, dia hoy Andriamanitra taminy hoe, “Midina any. Fantatrao, saiky isaky ny roa na telo andro isan-kerinandro no avy ny orana, manodidina eto. Fa mitsangàna ianao eo anatrehan’i Ahaba, ka teneno aminy hoe, ‘HOY NY TOMPO HOE. Tsy hilatsaka avy any an-danitra ny ranon’ando raha tsy izaho no miantso azy.’” Oh, oadray!

¹⁸⁰ Tsy nilaza izy hoe, “Ankehitriny, ry Ahaba, angamba, mety handeha tahaka an’izao angamba ilay izy.” Oh, tsia. Tena resy lahatra izy, tsy nisy na inona na inona hafahafa. “Tsy hilatsaka ny ranon’ando, tsy ho tonga ny orana, raha tsy izaho no miantso azy.” Amen. Voninahitra! Oh, nahoana? Nandre an’ilay trompetra izy. Azo antoka izany. Fantany ny Andriamaniry. Nahafantatra zavatra izy. Rehefa niteny an’io teny io Andriamanitra, ny lanitra sy ny tany rehetra dia tsy ho levona mandra-pahatongan’izany—izany hitranga. Tsy maintsy nitranga izany. Azo antoka fa resy lahatra izy.

¹⁸¹ Ankehitriny, hoy Izy hoe, “Elia, Tiako ianao hiakatra any amin’ilay toerana maina indrindra eto amin’ny firenena, teo amin’ilay tendrombohitra mihitsy izay tsy nisy loharano. Saingy manana toerana anankiray ho anao Aho any ambony any.”

¹⁸² Tena resy lahatra izy. Nihanika an’ilay tendrombohitra izy ary nipetraka teo akaikin’ny renirano Kerita. “Ary inona no hataoko eto ambony eto ankehitriny?”

“Efa nandidy ny goaika Aho hamahhana anao.”

¹⁸³ “Ankehitriny, ahoana ireo goaika ireo... Ankehitriny, andraso iray minitra ve, Tompo”? Tsia, tsia. Naneno ilay trompetra. Izay dia ampy. “Ahoana no hitrangan’izany? Tsy fantatro. Tsy ahoako. Hitanareo? Tsy ho ahy ny hiahiahy mikasika an’izany. Raharahan’Andriamanitra izany. Izy no nilaza fa nandidy ny goaika Izy.”

¹⁸⁴ “Eny, Tompo, afaka hamahavaha an’izany amiko ve Ianao azafady, ka hiteny amiko fotsiny hoe aiza ireo... sekoly inona no nandehanan’ireo goaika eo ireo, mba hianarana miteny Hebreo? Karazana inona... Mahandro amin’ny fatana gazy ve izy ireo, sa manana afo kitay, sa ahoana no anaovan’izy ireo an’izany? Ary

aiza izy ireo no... Karazana biby inona no hovonoin'izy ireo? Vorona kely fotsiny izy ireo. Ahoana no hamonoan'izy ireo omby iray ho ahy, hitondrana mofo misy hen'omby ho ahy?" Hitanareo? Hitanareo? Tsy nanontaniana izany.

¹⁸⁵ Andriamanitra, ny—ny trompetran'Andriamanitra, naneno ny Feony ka nanao hoe, "Manana Aho!" Tsy hoe, "Elia, mety Ataoko izany." "Nataoko izany. Hataoko izany. Efa Nataoko izany." Amena.

¹⁸⁶ Izany no Andriamanitsika, izao hariva izao. Tsy hoe, "Hataony izany." Efa Nataony izany. Amena. Efa Nataony izany. Amena. Tsy hoe, "Hanao Izy; mety Izy; angamba hanao Izy." Efa Nataony izany. "Efa nandidy ny goaika Aho."

¹⁸⁷ Nandidy Ny Fanahiny ho amin'ny olona rehetra Izy. Nandidy ny Fitahiany Izy. Niakatra any amin'ny Avo Izy, ary nanolotra fanomezana ho an'ny olona. Hisy olona handray an'izany. Hisy olona handà an'izany. Tsy raharahako ny hoe ahoana no ahatongavan'izany. Ilay izy fotsiny dia hoe ho eo izany. Andriamanitra no nilaza fa ho tanteraka izany, dia tanteraka izany. Nilaza i Petera, tamin'ny Andron'ny Pentekosta hoe, "Mibebaha, ny tsirairay avy aminareo, ary aoka hatao batisa, amin'ny Anaran'i Jesosy Kristy ho an'ny famelàna ny fahotanareo, ary ianareo handray ny fanomezana, ny Fanahy Masina." Ahoana no hahatongavan'Izany? Tsy fantattro. "Ny—ny teny fikasana dia ho an'ireo zanakareo, ho an'ireo lavitra, arak'izay hantsoin'ny Tompo Andriamanitsika." Ankehitriny, tsy afaka manazava ny mifanohitra amin'izany ianareo. Efa naneno ilay trompetra, ary mino an'izany aho. Nankatò an'izany aho, ary voaraiko izany. Amena. Ankehitriny manandrama mifamaly amiko hiala amin'izany indray mandeha. Amena. Oh, tsy tanteraka aho. Tsia.

¹⁸⁸ Tahaka an'ilay hariva, ilay anabavy antitra mainty hoditra, hoy izy hoe, "Ry loholona, afaka mijoro vavolombelona ve aho?"

"Eny, madama."

¹⁸⁹ Hoy izy hoe, "Te-hilaza an'ity zavatra anankiray ity aho." Hoy izy hoe, "Izaho—izaho—tsy izay tiako haha-izy ahy aho." Dia hoy izy hoe, "Tsy izay tokony haha-izy ahy aho. Saingy, misy zavatra anankiray izay fantattro, tsy izay naха-izy ahy taloha aho."

¹⁹⁰ Koa, izany, tahaka an'izany no tsapantsika mikasika an'ilay izy ankehitriny. Tsy izay naха-izy ahy taloha aho, satria voavonjy aho izao hariva izao, nohon'ny fahasooan'Andriamanitra, ary nandray ny batisan'ny Fanahy Masina, teo ambonin'ny fanirahana. Nararaka Izany tany tamin'ny Andron'ny Pentekosta, nomena ilay teny fikasana, ary nino an'izany aho. Tsy misy na inona na inona hafahafa. Nandre an'ilay feo aho. Nankatò an'izany aho, ary azoko antoka

fa izany ilay izy. Izany tokoa. Fantattro fa izany ilay izy. Azo antoka.

¹⁹¹ Simeona, antitra hendry iray teo amin'ny valopolo taona teo, an-jato taonany no efa tsy nisian'ny mpaminany iray teo amin'ny tany, saingy nandehandeha teo niaraka tamin'ny laza lehibe iray. Niteny taminy ny Fanahy Masina indray andro, nanao hoe, “Ry Simeona, fantatralo, tsy ho faty ianao mandra-pahitanao ny famonjen’ny Tompo.” Voninahitra!

¹⁹² Angamba ilay mpisoronabe, nikosoka ny volom-bavany nandritry ny fotoana vitsy, ka nanao hoe, “Ry Simeona, tokony hibango ny volom-bavanao mankany amin'ilay ilany hafa ianao.”

Hoy izy hoe, “Tsy manao fahasamihafana izany na kely aza.”

“Ahoana no ahafantaranao fa marina ny anao?”

“Ny Fanahy Masina no niteny tamiko an’izany. Tsy ho faty aho.”

¹⁹³ “Nahoana, ry Simeona, nahoana, ianao dia... Nahoana, ianao dia vonona ny ho faty izao ankehitriny izao.”

¹⁹⁴ “Oh, tsy ahoako izay lazainareo. Fa ilay Andriamanitra no niteny tamiko fa tsy hahita fahafatesana aho mandra-pahitako ny Famonjeny. Tsy misy na inona na inona tsy azo antoka. Tsy ho faty aho. Tsy afaka mahita fahafatesana aho raha tsy mahita Azy.” Amena. Izay ilay izy.

“Ahoana no hanaovanao an’izany, ry Simeona?”

“Izaho, tsy raharahako izany.”

“Aiza ho aiza Izy izao, ry Simeona?”

“Tsy fantattro.”

“Ahoana no ahafantaranao fa hahita Azy ianao?”

¹⁹⁵ “Andriamanitra no niteny an’izany. Izay ilay izy. Izany no Teny. Tsy hahita fahafatesana aho mandra-pahitako Azy.” Oh, oadray!

¹⁹⁶ “Oh, lehilahy antitra mampalahelo. Mazava ho azy, any ivelan’ny lohany izy, fantatralo. Noho izany dia avelao fotsiny izy hipetraka tsara.”

¹⁹⁷ Saingy nahita Azy izy, na ahoana na ahoana. Eny, tompoko. Andriamanitra dia manao lalana iray ho an’ireo olona izay handray Ny Teniny.

¹⁹⁸ Jesosy, fony Izy teto an-tany, ary nitsangana teo amin’ny fasan’i Lazarosy Izy.

¹⁹⁹ Na, talohan’izany, rehefa Izy tao amin’ny fifampiresahana tamin’ny—tamin’ny olona, niresaka ny amin’ny hoe ahoana Izy, izay tsy mbola dimampolo taona akory, nefo nilaza fa efa nahita an’i Abrahama Izy. Voamarikareo ve hoe pozitifa toy ny ahoana Izy? Hoy Izy hoe, “Talohan’ny nisian’i Abrahama, dia IZAHO

NO IZY. IZAHO NO IZY.” Tsy hoe, “Izaho efa, na Izaho ho.” Fa, “IZAHO NO IZY. Pozitifa Aho.”

²⁰⁰ Noho izany, nilaza Izy, teo amin’ny fasan’i Lazarosy, talohan’ny Nandehanany teo, dia nilaza Izy, niteny tamin’i Marta, hoy Izy hoe, “Izaho no fitsanganana, ny Fiainana.” Tsy hoe, “Izaho no tokony ho, na Izaho no ho.” Fa, “IZAHO NO IZY.” Amena.

²⁰¹ “Ny anadahiko, raha teto Ianao, dia tsy maty. Fa na dia ankehitriny aza, Tompo, na inona na inona Angatahanao amin’Andriamanitra, dia homen’Andriamanitra Anao izany.”

Hoy Izy hoe, “Hitsangana indray ny anadahinao.”

²⁰² “Oh, hitsangana izy amin’ny andro farany, amin’ny fitsanganana faobe. Zazalahy tsara iray izy. Hia, mino aho fa hitsangana izy.”

²⁰³ Fa Jesosy nanao Azy niharina kely, ny tenany, niakatra, nanao hoe, “Fa Izaho no fitsanganana sy Fiainana.” Tsy hoe, “Izaho no ho; Izaho no tokony ho,” na ny sisa. “IZAHO NO IZY.” Tsy misy na inona na inona eo, tsy misy na inona na inona mihevaheva, mihozongozona mikasika an’izany. Tsy misy na inona na inona tsy azo antoka. Pozitifa izany.

²⁰⁴ “Izaho no fananganana sy Fiainana. Izay mino Ahy, na dia maty aza izy, dia mbola ho velona. Na iza na iza velona ka mino Ahy dia tsy ho faty intsony.” Ankehitriny, tsy hoe, “Mety tsy ho izy ireo; angamba izy ireo tsy ho.” “Izy ireo tsy ho.” Tsy misy na inona na inona, na inona na inona tsy azo antoka mikasika an’izany. Tsy ho faty izy ireo.

²⁰⁵ “Izay mandre Ny Teniko ka mino Izay naniraka Ahy no manana Fiainana mandrakizay, ary tsy ho tonga amin’ny Fitsarana akory aza, fa efa tafafindra avy tamin’ny fahafatesana ho amin’ny Fiainana.”

²⁰⁶ “Tsy tokony ho tonga amin’ny Fitsarana izy ireo”? Tsy ho tonga amin’ny Fitsarana izy ireo. Amena. Izy no nitondra ny Fitsarako. Tsy misy raharahako amin’izany. Amena. Eo ianareo izao. “Tafafindra avy tamin’ny fahafatesana ho amin’ny Fiainana.” Oh!

²⁰⁷ Ankehitriny dia nilaza izy fa nino an’izany. Ankehitriny, tsy nilaza mihitsy Jesosy hoe, “Eny, fantatrao, satria mino an’izany ianao, ka fantatrao fa Izaho no Teny, ary—ary Izaho—Izaho... Fantatrao fa Izaho no Izy izay ho avy. Efa niaiky an’izany ianao. Mino an’izany ianao. Ho Teneniko aminao izay azontsika hatao. Ndaو isika hanao an’ireo loholona hiaraka, ary hidina ka hahita raha afaka manao zavatra mikasika an’izany isika.” Tsia, tsia. Hoy Izy hoe, “Izaho dia...” Tsy hoe, “handeha ka *hijery* raha afaka hanangana azy Aho.” “Hamoha azy Aho.” Amena. Tsy hoe, “Izaho dia—hanandrana Aho.” “Handeha Aho.” Tsy misy

na inona na inona tsy azo antoka. Tsy feo hafahafa izany, rehefa hoy Izy hoe, “Handeha Aho. Handeha Aho.”

²⁰⁸ Ary ilay Anankiray ihany izay nanao hoe, “Handeha Aho,” no nanao teny fikasana iray ho anareo. Haleloia! Oh, oadray! Amena.

“Handeha Aho ka hamoha azy.”

²⁰⁹ Nilaza indray ve Izy hoe, “Ravao ity tempoly ity, fa ho Hitako izay Azoko atao mikasika an’izany”? “Ravao ity tempoly ity, fa Izaho hanangana azy indray afaka telo andro.” Tsy misy na inona na inona tsy azo antoka. “Ankehitriny hanandrana Aho. Ianareo rehetra afaka mitsangana manodidina ka hahita raha afaka manao an’ilay izy Aho na tsia”? Ah, tsia. “Izaho no hanangana azy.” Tsy misy na inona na inona tsy azo antoka. “Izaho no hanangana azy. Ianareo—ravao izy; Izaho no hanangana azy.” Oh, oadray!

²¹⁰ Nahoana? Fantany fa Izy io Olona, ao amin’ny Soratra, izay noresahan’i Davida io. “Tsy hahafoy ny Ainy ho any amin’ny helo Aho, na hamela Ny Iray Masiko hahita ny lò Aho.” Ary Fantany fa tafiditra tao amin’io teny fikasana ara-tSoratra io Izy, koa noho izany dia pozitifa Izy.

²¹¹ Ankehitriny, tsy afaka ny ho pozitifa ve isika? Isika dia mandray Azy, ho ohatra, amin’ireo zavatra hafa. Raha mbola ny Tenin’Andriamanitra foana no nilaza an’izany, dia tsy afaka ny ho pozitifa mikasika ny Teny tahaka Azy mikasika an’izany ve isika?

²¹² “Izaho no fitsanganana sy Fiainana.” “Izaho no hanangana azy indray.” Amena. Nahoana? Fantany fa niresaka ny amin’izany ny Teny, ka nahazo antoka Izy fa hiseho.

²¹³ Raha izaho io olona ao amin’ny Jaona 5:24 io hoe, “Izay mandre Ny Teniko ka mino Izay naniraka Ahy, no manana Fiainana mandrakizay, ary Izaho hanangana azy indray amin’ny andro farany. Tsy ho tonga amin’ny Fitsarana izy; efa tafafindra avy tamin’ny fahafatesana ho amin’ny Fiainana.” Izany dia—isika izany. Fa inona no atahorantsika? Inona ny olana?

²¹⁴ Inona no fahasamihafana ataon’ny hoe marika inona no entinareo? Ianareo no miantsy ny tenanareo ho *ity, itsy*, na ny *hafa*. Zanak’Andriamanitra isika, nohon’ny fahasoavan’Andriamanitra. Feno ny Fanahy Masina isika, nohon’ny fahasoavan’Andriamanitra. Inona no fahasamihafana ataon’izany raha *ity* anankiray *ity* dia *izao* na *izao*, raha Presbyterana iray izy, Metodista, Batista? Raha feno ny Fanahy Masina izy, dia manana ny Fiainam-pitsanganana ao anatiny. Amena. Eny. Ankehitriny, tamin’ny Andron’ny Pentekosta . . .

²¹⁵ Niteny tamin’izy ireo Jesosy, ao amin’ny Lioka 24:49 hoe, “Indro, Izaho mandefa ny teny fikasana.” Tsy hoe, “Mety hanao an’izany Aho. Ho Hitako izay Azoko hatao mikasika an’izany.”

“Izaho handefa ny teny fikasan’Ny Raiko ho aminareo. Fa miakara any an-tanànan’i Jerosalema ka miandrasa mandrapanosotra anareo amin’ny hery.”

²¹⁶ Ankehitriny, ahoana moa raha niandry teo izy ireo, atao hoe, oh, enina andro, ka hoy izy ireo hoe, “Inona no mbola andrasantsika? Mino aho fa tokony hanaiky an’ilay izy amin’ny finoana isika. Tsy mihevitra tahaka an’izany ve ianareo?”

²¹⁷ Ahoana moa raha nilaza i Jakoba, tamin’ny—tamin’ny andro fahasivy, nanao hoe, “Ry Simona, avia eto iray minitra. Fantatrao, indray andro dia nanana karazana fihetseham-po hafa kely iray aho. Hitanao? Ary fantatrao ve izay inoako? Izaho—izaho—mino aho fa tsy Tiany hiandry eto fotsiny isika. Mino aho fa isika dia—isika dia efa nahazo azy. Tsy mihevitra tahaka an’izany ve ianao? Ndao isika hanohy ny asantsika. Ndao isika hanohy ny asam-panompantsika”? Oh, tsy ho nitranga mihitsy izany.

²¹⁸ Nahoana? Fantany fa ilay mpaminany no nilaza. Henoy ankehitriny. Hoy ilay mpaminany hoe, “Didy anampy didy, fitsipika anampy fitsipika, anampy fitsipika; kely eto ary kely etsy.” “Hazony mafy izay tsara.” “Fa amin’ny molotra miambakambaka sy amin’ny fiteny hafa no Hitenenako amin’ity vahoaka ity. Ary ity no fitsaharana, ny sabata.” Fantatr’izy ireo fa nisy zavatra tsy maintsy niseho rehefa tonga Izany.

²¹⁹ “Handatsaka Ny Fanahiko Aho amin’ny andro farany.” Joela 2:28, “Izao no hiseho amin’ny andro farany, hoy Andriamanitra, handatsaka Ny Fanahiko amin’ny nofo rehetra Aho, ka ny zanakalahinareo sy ny zanakavavinareo haminany. Eo amin’ny Mpanopolahiko sy mpanompovaviko no Handatsahako Ny Fanahiko, amin’izany andro izany. Haneho famantarana eny amin’ny lanitra ambony Aho ary—ary eo amin’ny tany ambany, sy afo, sy setroka, ary entona.”

²²⁰ Fantatr’izy ireo fa tsy maintsy nisy fahatsapana iray miaraka amin’io fihavian’ny Fanahy Masina io. Tsy niresaka feo hafahafa iray izy ireo. Fa rehefa tsapan’izy ireo nihetsika io zavatra io, ka nahita ny porofo ara-Baiboly nihetsika niaraka tamin’izany, dia tsy hoe tsy nanana antoka izy ireo. Nandeha avy hatrany teny an-dàlambe izy ireo. Mamelà ahy. Oh, oadray! Nanana antoka izy ireo fa izany no Fanahy Masina.

²²¹ Fantatrareo ve hoe nanana antoka toy ny ahoana izy ireo? Hany ka, i Petera, ilay lehilahy kely tsy nianatra, dia nitsambikina teo ambonin’ny foto-kazo iray na kesika iray, na tany ho any, nanao hoe, “Ianareo lehilahy avy any Jodia,” nibontsina ny tratra kely tahaka ny akoholahy fonentana iray. Hoy izy hoe, “Ianareo lehilahy avy any Jodia, ianareo izay monina eto Jerosalema! Natahotra anareo aho, vao teo; tsy matahotra aho, ankehitriny. Aoka ho fantatrareo izao, ka henoy ny teniko. Tsy mamo ireo araka ny iheveranareo azy. Fa izao

no Ilay." "Isika ve *manantena* fa izao no Ilay"? "Isika ve *mino* fa izao no Ilay"? Hoy izy hoe, "Izao no Ilay nampilazaina an'i Joela mpaminany." Haleloia! Tsy misy na inona na inona tsy azo antoka mikasika an'izany. "Izao no Ilay nampilazaina an'i Joela mpaminany." Oh, oadray!

²²² Jesosy no nilaza, ao amin'ny Marka 16, naniraka Ny Fiagonany hoe, "Mandehana ianareo mankany amin'izao tontolo rehetra izao, mitoria ny Filazantsara." "Izao famantarana izao angamba no tokony; izy ireo dia ho, matetitetika, angamba"? "Hanaraka an'ireo izay mino izy ireo. Izao famantarana izao no hanaraka an'ireo izay mino. Handroaka devoly amin'Ny Anarako izy ireo. Hiteny amin'ny fiteny vaovao izy ireo. Raha mandray menarana izy ireo na misotro zava-mahafaty, dia tsy hampaninona azy ireo izany. Raha mameetraka ny tānany eo amin'ny marary izy ireo, dia ho sitrana ireny" Tsy hoe, "Angamba." "Ho sitrana izy ireo. Izao famantarana izao no hanaraka an'ireo izay mino."

²²³ Mamelà ahy hamehy azy, amin'ny filazana an'izao, rahalahy, ranabavy, mandritr'ireo minitira vitsy manaraka. Mino an'izany aho. Mino aho fa ny zavatra hafa rehetra, ny zavatra rehetra izay mifanohitra amin'Izany, dia tsy marina. Mino aho, fa ny zavatra rehetra izay manohitra an'Izany dia hianjera. Mino aho, tsy ahoako na kominisma firy, na firy amin'ireto isma sy *itsy* isma itsy, ary ismam-pianganana sy Romanisma, sy ireo hafa rehetra, Amerikanisma sy ny zavatra hafa rehetra dia hianjera.

²²⁴ Fa ity Teny ity dia haharitra Mandrakizay, satria Izany dia Teny iray. Ary talohan'ny naха-Teny iray azy, dia tsy maintsy fisainana iray izy. Ary ny teny iray dia fisainana iray voaseho. Ary Andriamanitra, tao amin'ny Mandrakizay, dia tonga tao an-TSainy izany. Naneho an'ireo Fisainany Izy. Lasa Teny iray izany, ary ny Teny dia tsy maintsy tonga voaseho.

²²⁵ Izany no antony, rehefa niresaka ny amin'ny Mesia iray Izy, dia tsy maintsy tonga ny Mesia. Niteny Izy fa hisy Fiagonana iray amin'ny andro farany, tsy misy pentina na fikentronana eo aminy; dia tsy maintsy hisy Fiagonana eo. Haleloia! Izy no nilaza an'izany. Mandray Ny Teniny aho. Mino an'izany aho.

²²⁶ Mino aho fa Izy no nampanantena ny Fanahy Masina ho an'ny mpino tsirairay izay hino. Mino an'i Petera aho, tamin'ny Andron'ny Pentekosta, rehefa nitory an'ilay toriteny malaza izy, ka niteny tamin'izy rehetra ireo mba hibebaka sy hatao batisa, ka ho tonga ireo famantarana ireo, ary *ity*. "Na iza na iza niantso ny Anaran'ny Tompo dia hovonjena." Mino aho fa izany no Fahamarinana; nijoro teo amin'izany. Nahita an'izany voaseho aho.

²²⁷ Fantatro fa miady ho an'izany aho. Ary fantattro fa miezaka manao dian-tongotra iray aho. Alohan'ny hanaovako dian-tongotra iray, dia tsy maintsy manavatsava ny misaritaka

rehetra aho, ny tsilo maintso, ny zavatra hafa rehetra, mba hanala an'izany amin'ny lâlana. Fa isaky ny manao dingana iray ianareo, dia mandroso mankany aloha. Amena. Raiso fotsiny ilay antsy dia tapaho izany.

²²⁸ Maro aminareo no mahatsiaro an'i Paul Rader, sakaiza tena sarobidy. Mbola zazalahy mpitory teny iray fotsiny aho, ankizy. Nandeha tany Fort Wayne aho taloha, nihaino azy, tao amin'ny Rediger Tabernacle. Lehilahy goavana be! Nihemotra lavitra izy, nampiakatra ny patalohany, nanangana ny tànany ary nierona tahaka ny bera iray, dia nihevitra aho fa hitsambikina teo ambonin'ny polipitra izy. Rehefa izy no... Ary nanomboka tamin'ny lahateny iray izy, hia, tao amin'ny Genesisy, ary namarana tao amin'ny Apokalypsy, aloha sy aoriana rehetra. Tena lehilahy iray i Paul.

²²⁹ Niresaka indray andro, hoy izy hoe, "Mpikapa hazo aho taloha tany Oregon," izay nihaviany. Hoy izy, "Indray andro, fantatrareo," hoy izy, "izaho—tany amin'ny saham-pitoriana aho, tany lavitra tany ho any." Adinoko hoe taiza ilay izy ankehitriny. Ary nanao ny asan'ny misionera izy.

²³⁰ Nino an'Andriamanitra izy, nino ny fanasitranana avy amin'Andriamanitra. Ary nilaza i Paul, teto amin'izay itsangan'ilay fiangonan'izao tontolo izao androany mihitsy, hoy izy hoe, "Raha nanolotra ny hafatro an'ny fahasooavana ho an'ireo Pentekotista vao mafana aho, raha tokony nanao an'izay nataoko niaraka taminareo andiany teto," hoy izy, "ary nanao ny tenako hiahiah, nantsoina ho amin'ny toerana iray miaraka amin'ny trosa an'alinaliny dolara. Niahiah ny tenako aho hany ka tratry ny homamiadana iray aho, ary eo am-pahafatesana ankehitriny. Raha nanolotra ny hafatro an'ny fahasooavana ho an'ireo Pentekotista vao mafana aho, dia ho nitahy ahy betsaka Andriamanitra noho izany." Marina.

²³¹ Nilaza izy fa izy dia tany tao anatin'ireo—tao anatin'ireo aty ala, ka tratry ny tazon'ny fivalanan-drano misy râ na tahaka an'izany. Nahatsiravina izany. Ary tany anatin'ireo aty ala lavitra tany izy, ary mpino matanjaka an'ny fanasitranana avy amin'Andriamanitra. Dia nilaza izy fa niha-narary sy nihanarary. Nivavaka izy, nivavaka. Ary nilaza ny sasany tamin'ireo misionera fa saika haka sambo iray mihitsy izy ireo ka handeha haka dokotera. Nahoana, hila andro maro izany ho azy ireo mba hahazoana dokotera iray. Dia hoy izy hoe, "Izaho—izaho... Aza manao an'izany. Avelao hipetraka tsara fotsiny ilay izy." Hoy izy, "Raha tsy manasitrana ahy Andriamanitra, amin'izay fotoana izay dia hody any an-Trano aho."

²³² Noho izany dia nilaza izy fa nijanona tao amin'ny efitra niaraka taminy ny vadiny. Ary nitohy niha-maizina sy niha-maizina ilay izy. Dia nilaza izy fa niantso ny vadiny, nanao hoe, "Malala, hazony ny tànako." Hoy izy, "Manohiza fotsiny

mivavaka ho ahy. Lasa maizina ilay izy ankehitriny.” Hoy izy, “Izaho—mino aho fa milatsaka manodidina ahy ireo aloka.” Hoy izy hoe, “Hazony... Hazony fotsiny ny tànako ka mivavaha, raha mandeha aho.” Nampahery ny tenany izy, mba hihaona amin’Andriamanitra.

²³³ Somary nahatsapa ho tafiditra tao anatin’ny tsifahatsiarovan-tena fotsiny izy. Dia nilaza izy fa nanonofy hoe tafaverina teto Oregon indray izy, toy ny lehilahy tanora iray, nanapaka hazo. Dia nolazainy fa nilaza ilay sefon’ny toby hoe, “Paul, miakara eo amin’ny ilan’ny havoana anankiray eto, ka mikapà hazo anankiray, habe anankiray.”

²³⁴ Nilaza izy fa nihanika an’ilay havoana niaraka tamin’ny ranjony tanora, ary nanjera an’ilay hazo, ka nandrantsana azy, nandentika an’ilay famaky. Nilaza izy hoe ahoana fa io kesika malefaka io, ny famakiny maranitra, goavana, roa lela nitsofoka tao amin’ilay kesika tena tsara. Dia nilaza izy fa nihazona an’izany, nieritreritra hoe, “Eny, ho entiko hidina ny havoana mihitsy izy.”

²³⁵ Lehilahy tsara, matanjaka, hoy izy, “Niofana aho taloha hoe ahoana no hametrahana ny lohaliko miaraka, sy manainga amin’ny lamosiko, ilay ampahany goavana indrindra an’ny lehilahy iray.” Ireo hozany dia tao amin’ny lamosiny sy ny sorony, ny lamosin’ireo ranjony. Hoy izy, “Efa nibata vatan-kazo goavana be iray aho,” nametraka an’izany teo amin’ny sorony, lasa nandeha. Fa hoy izy, “Vatan-kazo tsotra iray fotsiny izany, saingy,” hoy izy, “izaho fotsiny...” [Mandonia ny fanamafisam-peo Rahalahy Branham—Mpand.] Miala tsiny aho. Hoy izy, “Tsy afaka nanetsika fotsiny an’io vatan-kazo io mihitsy aho.” Miala tsiny aho.

²³⁶ Hoy izy hoe, “Tsy afaka nanetsika fotsiny an’io vatan-kazo io mihitsy aho.” Hoy izy hoe, “Nitolona aho, ary nitolona aho ka nanandrana hibata azy, fa tsy afaka nanao an’izany fotsiny.” Hoy izy hoe, “Namoaka ny heriko rehetra tao amiko aho.” Hoy izy hoe, “Tsy afaka nanetsika an’io vatan-kazo io fotsiny aho.” Dia hoy izy, “Farany, lasa tena naлемy aho, nipetraka niankina tamin’ilay hazo fotsiny aho ary nanomboka namafa ny hatsembohana. Torotoro tanteraka mihitsy aho.”

²³⁷ Dia hoy izy, “Afaka kelikely, dia nandre ny feon’ny sefoko aho.” Saingy hoy izy, “Izany no feo malefaka indrindra izay hany reko.” Dia hoy izy, “Rehefa nitodika aho, dia hoy ilay feo tamiko hoe, ‘Paul.’ Dia hoy aho hoe, ‘Eny, sefo, inona ilay izy?’ Hoy izy, ‘Ho an’ny inona no hisintonanao azy mafy?’” Hoy izy hoe, “Eny, ianao no nandidy ahy hampidina azy eny amin’ny toby, ary nanorotoro ny tenako mihitsy aho, ho an’izany. Izaho fotsiny—tsy afaka manao azy fotsiny aho, sefo.’ Hoy izy hoe, ‘Paul, tsy hitanao ve io onin-drano mandeha eo io mihitsy?’ Hoy izy, ‘Eny.’ Hoy izy, ‘Midina mankany amin’ny toby mihitsy io

ony io. Nahoana no tsy atsipinao ao anatin'ny rano fotsiny izy, miakatra eo amboniny ary mitaingina hatrany amin'ny toby?" Hoy izy, "Tsy mbola nieritreritra an'izany mihitsy aho."

²³⁸ Noho izany dia nakodiany nankao anaty rano ilay izy, niakatra teo amboniny, nanao hoe, "Oh, oadray!" Nanomboka nanobatobaka rano izy, sy nitsambikina, ary niantsoantso, tamin'ny tampon'ny feony, raha nandeha teo ambonin'ireo alondrano, sy nanerana an'ilay rano, ny zavatra rehetra, nitaingina teo ambonin'io vatan-kazo io, nandeha nidina, nihiaikiaka hoe, "Mitaingina eo amboniny aho! Mitaingina eo amboniny!"

²³⁹ Nilaza izy, ny zavatra voalohany, nahatsiaro tena izy, teo afovoan'ilay gorodona mihitsy izy, ary nihiaikiaka niaraka taminy ny vadiny. Nihorakoraka izy hoe, "Mitaingina eo amboniny aho! Mitaingina eo amboniny aho! Mitaingina eo amboniny aho!" Rahalahy!

Rava ireo firenena, mifoha Isiraely,
Ireo famantarana izay notenenin'ny Baiboly
mialoha;
Voaisa ny andron'ny Jentilisa, miaraka amin'ny
tahotra manarona.
"Miverena, O ry niely, amin'ny anareo manokana."

²⁴⁰ Ity Hafatry ny Tenin'Andriamanitra ity no Fahamarinana. Velona na maty, dia mitaingina eo Amboniny aho. Izaho tsy... Tsy mifamaly amin'Izany aho. Tsy miezaka mifamaly mikasika an'Izany aho. Noraisiko fotsiny Izany, ary mitaingina eo Amboniny aho. Avelao hitsangana ireo mpitsikera. Hitifitra ny bala rehetra aho. Ho tonga ao amin'ny toby aho, indray andro any, mitaingina eo amin'ny Tenin'Andriamanitra. Amena. Azoko antoka ny fahatongavana eo.

Ndao isika hivavaka.

²⁴¹ Nahoana ianareo no hitolona amin'ny enta-mavesatry ny fahotanareo? Nahoana ianareo no ho eo amin'ny toerana izay misy anareo, tsy mahafantatra hoe aiza ianareo no mitsangana, mihazakazaka mitety fiangonana, sy mitety toerana? Nahoana no tsy alentikareo fotsiny izany, eo amin'ny hazo fijaliana, izao hariva izao, ka mitaingina eo ambonin'ny Teny? Nahoana ianareo no tsy mandray fotsiny ny teny fikasan'Andriamanitra izao hariva izao ka mitaingina mivoaka avy ao amin'ny loto, miditra ao amin'ilay manga goavana, misokatra tahaka an'izao? Aza mitolona amin'Izany. Aza manahy ny amin'Izany. Minoa fotsiny an'Izany, ekeo Izany. Izany no Fanjakana iray izay tsy azo hetsehina. Mitaingena eo ambonin'Izany.

²⁴² Raha marary ianareo izao hariva izao, dia raiso ny teny fikasan'Andriamanitra hoe, "Izaho no Tompo izay manasitrana ny aretinao rehetra."

²⁴³ "Ahoana noahasalam ahy, Rahalahy Branham? Ilay dokotera no milaza fa tratry ny aretim-po aho, tratry

ny homamiadana aho, izaho tratran'ity, *itsy*, na mety ho inona ilay izy. Marenina aho, moana. Jamba aho." Inona, inona no fahasamihafana ataon'izany? Ekeo fotsiny ny teny fikasan'Andriamanitra ary mitaingena eo ambonin'izany.

²⁴⁴ Ndao isika haka tsora-kazo goavana be iray, ka hanakodia azy eto, ary hanoratra eo an-tampon'izany hoe, "Efa nivavahana ny vavaky ny finoana izao hariva izao; hitaingina eo ambonin'izany aho. Hoy ny Baiboly hoe, 'Ny vavaky ny finoana no hamonjy an'ilay marary, ary Andriamanitra hanangana azy. Raha nanota izy, dia havela aminy izany.' Mitaingina eo ambonin'izany aho. Mino an'izany aho."

²⁴⁵ Raha nanao ratsy ianareo, raha maditra ianareo izao hariva izao, "Izay manafina ny fahotany dia tsy hambinina. Fa izay hiaiky ny fahotany no hahazo famindrampo." Nahoana no tsy miaiky an'izany?

"Eny, inona no tokony hataoko, Rahalahy Branham?"

²⁴⁶ Iaiceo izany, ary avy eo dia mitaingena eo amboniny. Andriamanitra no niteny an'izany. Hampanalavitra anareo amin'ny fahotanareo avy hatrany izany.

²⁴⁷ Eto ve izany olona izany izao hariva izao, izay tsy mbola nametraka ny tena fahatokiany an'Andriamanitra mihitsy ho an'ny famonjena ny fanahinareo, ka tianareo ny ho tsarovana ao amin'ny vavaka raha mamarana isika? Hanangana ny tanganareo fotsiny ve ianareo, manaova hoe, "Mivavaha ho ahy, Rahalahy Branham. Te-hanala an'ireo fiahako aho." Andriamanitra hitahy anao. Andriamanitra hitahy anao. "Te-hanala aho..." Andriamanitra hitahy anao, madama. "Te-hanala an'ireo fiahako aho." Andriamanitra hitahy anao, rahalahy. Andriamanitra hitahy anao iry aorianana iry, tompoko. Andriamanitra hitahy anao, ramatoa tanora. Eny ary Marina izany. Andriamanitra hitahy anao. "Te-hanala an'ireo fiahako ho eo Aminy aho ka hitaingina eo ambonin'ny Fampanantenany fotsiny ankehitriny. Mino aho fa Izay no nampanantena hoe, 'Izay hanatona Ahy, dia tsy ho Laviko mihitsy.'"

²⁴⁸ "Tsy hoe ahoana no tsapako, 'Efa nivavahana aho omaly hariva, Rahalahy Branham; tsy mahatsapa ho tsaratsara kokoa mihitsy aho.'" Tsy misy idiran'izany. Tsy mitaingina eo ambonin'ireo fihetseham-poko aho. Mitaingina eo ambonin'Ny Teniny aho. Izany no Fampanantenany.

²⁴⁹ "Rahalahy Branham, efa teo amin'ny alitara aho, in-efatra na indimy, niezaka mba hahazo ny Fanahy Masina. Tsy azoko mihitsy ilay izy."

²⁵⁰ Tsy midika zavatra iray izany. Mijanòna tsara fotsiny eo ambonin'ilay vatan-kazo, izany no hitondra anareo avy hatrany mankao amin'ilay toby, ao amin'ny tobin'ilay Lahimatoa, ao amin'ny tobin'ireo olo-masina. Ho tonga eo ianareo. Mijanòna fotsiny eo ambonin'ny vatan-kazonareo, ary miantsaontsoa sy

mikiakiaha mafy an'ireo fiderana an'Andriamanitra fotsiny arak'izay vitanareo. Tahaka an'izany no anaovana azy.

²⁵¹ Raha mbola manondrika ny lohantsika isika, dia te-hitaingina marina tokoa eo ambonin'izany ve ianareo? Noho izany, io zavatra kely izay manitikitika ny fonareo io, tianareo ve ny hanatona eto ka hitsangana manoloana ny alitara iray minitra? Avelao izahay hivavaka sy hametra-tànanana eo aminareo. Ho faly izahay raha ho avy ianareo.

²⁵² Ndao alaintsika io zavatra kely izay mipetraka manodidina ny fonareo io izao hariva izao, ka manao hoe, "Fantatralo, diso ianao. Ankehitriny atsangano ny tànananao." Eny àry.

²⁵³ Niakatra teo ambonin'ilay vatan-kazo ianareo, ilay vatan-kazon'ny Fampanantenany; ilay hazo, ilay hazo fijaliana izay notapahina. Apetraho manodidina an'io hazo fijaliana io ny sandrinareo ankehitriny. Mandrosoa eto avy hatrany ka manaova hoe, "Ankehitriny hitaingina eo ambonin'izany aho. Hino an'izany aho izao ankehitriny izao. Hanaiky an'izany aho. Mino an'izany aho. Tsy hiova mihitsy aho. Hijanona tsara amin'ity Teny ity aho, mandra-pahatongan'io anankiray io ho voamarina. Ary avy eo rehefa voamarina io anankiray io, dia hanakatra aho ka hiakatra eo amin'ilay iray hafa, ary hanomboka hitaingina avy hatrany." Hitanareo?

²⁵⁴ Ary teny amin'ny teny, dingana amin'ny dingana, no hahazoanareo ny zavatra rehetra izay nampanantenain'Andriamanitra anareo. "Satria ny zavatra rehetra dia azo atao," ho an'izay hitaingina eo ambonin'izany. Mitaingena eo ambonin'ny Fampanantenany, satria izany no azo antoka fa hitondra anareo ho eo amin'ny toby. Izany no hitondra anareo eo amin'ny Fanatrehan'Andriamanitra.

²⁵⁵ Ho avy ve ianareo ankehitriny raha mbola manondrika ny lohantsika isika? Ary manontany ny rehetra izay te-hitsangana eto amin'ny alitara aho, ho an'ny fotoan'ny vavaka fotsiny.

²⁵⁶ "Mitaingina eo ambonin'izany aho, Tompo. Tompo, mino aho. Voalevina ao anatin'ilay loharano ireo fisalasalako rehetra. Tompo, avy aho. Mino an'izany aho. Mandeha eo ambonin'ny Teny mihitsy aho izao hariva izao, ary hino an'izany amin'ny foko rehetra. Mandray Anao amin'Ny Teninao aho."

²⁵⁷ Mitsangana eto amin'ny alitara ny vehivavy sarobidy anankiray, mba-mba hanamarina amin'Andriamanitra fa matotra tanteraka izy. Tsy ho avy ve ianareo, izay nanondrika ny lohanareo, sy nanangana ny tànanareo, ka naniry ny ho tsarovana ao amin'ny vavaka? Hanatona eto fotsiny ve ianareo? Andriamanitra hitahy anao. Manatôna fotsiny. Izay ilay izy. Manatôna avy hatrany ka mitsangàna eto. Manaova hoe, "Hitaingina eo ambonin'izany aho. Andriamanitra, Ianao no nanao ny teny fikasana, nisy zavatra nandondònà tao am-poko, ka tonga aho izao ankehitriny izao mba hitaingina

eo ambonin'izany. Ary hijanona tsara eo ambonin'izany aho mandra-pitondrany ahy ho eo amin'ny toby. Hidina avy hatrany eo amin'ny tobin'ireo olo-masin'ny Avo Indrindra aho.” Andriamanitra hitahy anao. Tsara izany. Manatòna avy hatrany ankehitriny, ianareo izay te-hitaingina eo amin'izany. Amin'izay maha-izy anareo fotsiny, “Amin'izay maha-izy ahy fotsiny, tsy manana fiangaviana iray.”

²⁵⁸ Tsarovy. Hoy ianareo hoe, “Hazo iray ve izany?” Eny. Nisy hazo iray notapahina, indray mandeha, ary napetraka indray teo Kalvary izany. Mitsambikina fotsiny eo amin'io hazo io izao hariva izao, miaraka amin'ireo teny fikasan'Andriamanitra, ny Teny izay nihantona teo amin'ilay hazo.

²⁵⁹ Mitaingina eo ambonin'izany aho. Hino an'izany aho, amin'ny foko rehetra. Ny tiako hatao fotsiny dia ny ho tonga eto ka handray ny tånan'ireo rahalahiko.

²⁶⁰ Andriamanitra hitahy anao, nohon'ny fijoroanao mahery fo. Tiako hijanona eto ianao, vetivety fotsiny, raha mbola mivavaka isika. Andriamanitra hitahy anao, ry rahalahiko. Ry anabaviko sarobidy, Andriamanitra hitahy anao. Ny Tompo Jesosy . . . ? . . . Andriamanitra hitahy anao, ry rahalahiko. Andriamanitra hitahy anao, ranabavy. “Tariho lèlana aho.” Hitari-dàlana anareo hiampita an'ilay renirano.

²⁶¹ Tsarovy, amin'ny maha-mpanompon'i Kristy, dia tompon'andraikitra amin'ny fitoriana ny Teny aho. Tompon'andraikitra amin'ny fanambarako aho. Ary hitsangana eto ve aho izao hariva izao . . .

²⁶² Ary lehilahy iray dimy amby dimampolo taona, na telo amby dimampolo taona, ho efatra amby dimampolo amin'ny Aprily, ary mitsangana eto ka mahafantatra fa, na dia ity fahitana farany ity aza, mety ho izao no androko vitsy farany eto an-tany. Izaho—mety handao anareo afaka andro vitsy aho. Tsy fantatro ny dikan'izany. Henoy fotsiny ny horonam-peo dia sintony ny fehin-kevitrareo manokana. Tsy fantattro ny dikan'izany. Hitsangana eto ve aho, ary saiky mino fa izao no mety ho hafatroy farany izay hany toriako, dia eto Phoenix mihitsy, ka hilaza zavatra izay diso, nefä mahafantatra fa ny fitodihako dia mipetraka eo, ka hotsraina amin'ny alàlan'ireo teniko aho?

²⁶³ Ry rahalahiko, mameù ahy hilaza an'ity aminareo, ary ireo anabaviko. Efa tao amin'ireo favoriako ianareo. Fantatrareo izany, ny famantarana sy ireo zavatra. Efa mba nilaza zavatra taminareo ve aho, tamin'ny Anaran'ny Tompo, ka tsy niseho? Hanontany ny olona rehetra aho. Tsia, tompoko. Nanodidina an'izao tontolo izao, ary ireo fahitana an'arivony, dia tsy mbola nisy mihitsy. Ary miteny aminareo ny fahamarinana aho izao hariva izao, ny Ràn'i Jesosy Kristy dia ampy tanteraka hanaisotra ny pentipentina rehetra, ary hisy izany.

Misy loharano iray feno Rà.

Ary mitsangana eo amin'Izany ianareo ankehitriny.

Nosintonina avy tamin'ny làlan-dràن'Imanoela,

Ny zavatra tokana azo antoka izay tavela eto an-tany.

Rehefa mitsoboka ao ambanin'ilay riaka ireo
mpanota,

Dia very ireo pentipentin'ny fahadisoany rehetra.

²⁶⁴ Hangataka an'ireto mpitoriteny ireto aho ankehitriny, sy ireo rahalahy, raha hanatona eto anivon'ireto olona ireto ianareo. Na iza no... Izany ve ilay fanao, iantsoanareo an'ireo mpitoriteny hivavaka miaraka amin'ny olona? Ireo mpitoriteny rehetra ato, arak'izany, izay maniry, izay liana amin'ny fahitana an'ireo fanahy voavonjy, avia eto ka mitsangàna toy ny vondrom-bavaka iray, izay ahafahantsika mamatotra ny tenantsika miaraka, manaisotra ny zavatra hafa rehetra, ary manasaraka ny tenantsika. Izao no lehilahy sy vehivavy izay manisy tombokase ny fitodihany, izao hariva izao, amin'ny Ràn'i Jesosy Kristy, mandray Azy amin'Ny Teniny, mitaingina hiditra avy hatrany ao amin'Ny Fanatrehany, eo amin'Ny Teniny, ka manao hoe, "Inty aho, Tompo. Tsy manana na inona na inona hatolotra afatsy ny tenako aho, ka raiso aho." Ho avy hitsangana miaraka amin'izy ireo ve ianareo, raha sitrakareo? Ny olona rehetra izay te-ho avy, avia ka mitsangàna. Andriamanitra hitahy anareo, ry rahalahiko. Tena mahafinaritra izao. Tiako ny mahita lehilahy izay mahery fo, izay liana amin'ireo fanahy. Ataoko, ry rahalahiko, fa mahafinaritra izao. Tongava manodidina avy hatrany. Tsara izany. Mitsangàna manodidina. Ndao fotsiny isika ankehitriny...

²⁶⁵ Raha hanatona ny zava-maneno ilay mpitendry piano, raha strany, dia ndao isika hihira an'ity hira fiderana ity, moramora ankehitriny, am-pilaminana, am-panajana.

²⁶⁶ Tsy manatona zavatra ara-angano iray isika. Tsy manatona zavatra iray izay mo—mo—mody finoana fotsiny isika. Fa miditra ao amin'ny Fanatrehan'Andriamanitra isika, ilay Jehovah Andriamanitra faratampon'ny hery, Izay nampanantena, hoe, "Na aiza na aiza misy roa na telo mivory amin'Ny Anarako, dia eo afovoan'izy ireo Aho." Miresaha Aminy tahaka ny hiresahanareo amin'ny sakaizanareo, manaova hoe, "Tompo, manenina aho. Nanota aho." Ary hihira isika.

Misy Loharano iray izay feno Rà,

Nosintonina avy tamin'ny làlan-dràن'Imanoela,

Rehefa mitsoboka ao ambanin'ilay Riaka ireo
mpanota,

Dia very ireo pentipentin'ny fahadisoany rehetra.

Ilay mpangalatra maty nifaly mba hahita

An'io Loharano io tamin'ny androny;

Eo aho no tokony, na dia ratsy aza izy,

Hanasa an'ireo otako rehetra.

Isaky ny nahita an’io Ony io tamin’ny finoana aho
 Izay natolotr’ireo Ratranao tondraka,
 Dia fitiavana mahavotra no lohahevitra,
 Ary ho izany mandra-pahafatiko.

²⁶⁷ Aoka ho tena kely fotsiny ankehitriny. Tsinontsinona ianareo. Tsinontsinona ny anankiray amintsika. Ary am-pahatsoram-po mihitsy ankehitriny, amin’ny fonareo rehetra, aondreho fotsiny ny fonareo sy ny lohanareo, hatraiza hatraiza, manerana ny tranobe.

²⁶⁸ Rainay any An-danitra, fantattro fa tena marina Ny Teninao. Izy ireo dia tsy mety diso. Izy ireo no Tenin’Andriamanitra. Izy ireo dia Andriamanitra. Ary hoy Ianao hoe, “Izay manatona Ahy, dia tsy ho Laviko mihitsy.” Ary ireto lehilahy sy vehivavy ireto, eo ambanin’ny faharesen-dahatra, mahafantatra fa tsy marina izy ireo, nandroso izy ireo, izao hariva izao, Tompo, mba hiaiky fa diso izy ireo, mahafantatra fa voatosiky ny fihetsehana anaty izay—izay nanasa azy ireo hanatona an’ilay Loharano. Ary indro mitsangana izy ireo, miaraka amin’ny loha sy fo miondrika, mba hisotro avy amin’ireo ranon’Aina, maimaim-poana, izay efa nampanantenain’Andriamanitra. Raiso izy ireo, Ray, ao amin’Ny Fanjakanao. Anao izy ireo.

²⁶⁹ Hoy Ianao hoe, “Tsy misy olona mahay manatona Ahy raha tsy Ny Raiko no mitarika azy aloha. Ary izay rehetra nomen’ny Ray Ahy no hanatona Ahy.” Ary izany no maneho fa Andriamanitra no nanome an’ireto ho an’i Kristy, ho fanomezam-pitiavana iray. Ary indro mitsangana izy ireo, Tompo. “Tsy misy olona afaka mandrombaka azy ireo amin’ny Tànako.” Ary mivavaka aho, Andriamanitra, mba Hiarovanao azy ireo izao hariva izao, raha mitsangana eto izy ireo, ary hanome azy ireo ny batisan’ny Fanahy Masina raha mbola eto amin’ny alitara eto izy ireo.

²⁷⁰ Enga anie ilay hery lehibe an’i Kristy hameno ny fiainan’izy ireo ankehitriny! Nanao ny fiaikeny izy ireo. Nandroso izy ireo. Hoy Ianao hoe, “Izay manaiky Ahy eo anatrehan’ny olona, dia Izaho no hanaiky azy eo anatrehan’Ny Raiko sy ireo Anjely masina.” Fantatray fa efa vita izany asa izany.

²⁷¹ Ankehitriny, Tompo, asio tombokase ao amin’ny Fanjakan’ny teny fikasana izy ireo, an’ny Fanahy Masina. Ekeo izany, Tompo. Alatsaho eo amin’izy ireo Ny Fanahinao, ka fenoy amin’ny Fanahin’Andriamanitra velona izy ireo, mba hahatonga azy ireo ho vavolombelona velona amin’ny androm-piainany rehetra, ho an’ny Fanjakan’Andriamanitra.

²⁷² Ankehitriny dia aoka hitsangana ny mpanatrika. Ny olona rehetra ao amin’ny vavaka ankehitriny. Hivavaka isika mba ireto...

²⁷³ Ankehitriny, ny tsirairay avy aminareo izay nanatona tetra izao hariva izao, mahatsapa fa nanota ianareo tao am-ponareo,

ankehitriny dia tsy misy na inona na inona azonareo atao afa-tsy ny mino an'izany. Ny Masina . . . Ekeo amin'ny finoana *Ity*. Ity no finoana, izay ekenareo. Hoy Jesosy hoe, “Tsy misy olona mahay manatona Ahy raha tsy Ny Raiko no mitarika azy aloha. Ary izay rehetra manatona Ahy,” Izy no handray an'izany. Tsy afaka manao na inona na inona hafa Izy, satria Izy no nampantantera an'izany. Hitanareo? Aza miankina amin'ny fahatsapana iray ankehitriny. Miankina amin’Ny Teniny. Hitanareo? Ny Teny no niteny an'izany.

²⁷⁴ “Izay mandre Ny Teniko ka mino Izay naniraka Ahy, no manana,” fotoana ankehitriny, “Fiainana mandrakizay, ary tsy ho tonga amin’ny Fitsarana, fa efa tafafindra avy tamin’ny fahafatesana ho amin’ny Fiainana.” Ny Fanahy Masina dia fahatsapana iray an’ny hoe feno sy voatafin’ny hery ho an’ny asa. Fa ny fiaikena sy ny fandraisana an’i Kristy dia ny manana finoana sy manao ny fiaikenareo, ary mahatsapa ho afaka fa namela anareo tamin’ny fahotanareo Andriamanitra.

²⁷⁵ Ary eo ambonin’ny fototry Ny Teniny, dia hoy Izy hoe, “Tsy misy olona mahay manatona raha tsy Ny Raiko no mitarika azy aloha.” Hitanareo? Ankehitriny, Andriamanitra no nitarika anareo, aloha. “Ary izay hanatona Ahy, dia tsy ho Laviko mihtisy izy.” Hitanareo? Hitanareo? Ianareo, efa voarainareo izany. Ny zavatra tokana, ianareo dia . . .

²⁷⁶ Izy, maty ho anareo Izy. Ny fahotanareo dia efa voavela, sivinjato sy arivo taona lasa izay. Manatona fotsiny ianareo ankehitriny mba hanaiky an'izay efa Nataony ho anareo. Hitanareo? Ary mino ve ianareo fa maty ho an’ny fahotanareo Izy? Hanaiky Azy ho fanaovam-panavotanareo ve ianareo? Amin’ny teny hafa, dia manaiky Azy ianareo, satria nitondra ny fahotanareo Izy.

²⁷⁷ Ho faly ve ianareo ka hisaotra Azy nohon’ny fitondrana ny fahotanareo? Mino ve ianareo fa Nataony izany? Noho izany dia atsangano fotsiny ny tānanareo, manaova hoe, “Mino aho fa Izy no mitondra ny fahotako,” amena, “mitondra ny fahotako.” Eny àry.

²⁷⁸ Ankehitriny, kandidà iray ho an’ny batisan’ny Fanahy Masina ianareo ankehitriny.

²⁷⁹ Raha tsy nandray ny batisa Kristiana ianareo, dia hijery an'izany ny iray amin’ireto lehilahy eto ireto, mba ahazoanareo ny batisa Kristiana.

²⁸⁰ “Fa raha mbola niteny an’ireo teny ireo i Petera ankehitriny, talohan’ny nanaovana batisa azy ireo; raha mbola niteny an’ireo teny ireo i Petera, dia nilatsaka tamin’izy ireo ny Fanahy Masina.” Nahoana? Teo ambanin’ny fiandrasana izy rehetra. Ankehitriny dia eo ambanin’ny fiandrasana ianareo. Mila zavatra ianareo ankehitriny izay—izay hanisy tombokase anareo ao amin’ny Fanjakan’Andriamanitra, zavatra izay ho tena misy

aminareo. Tianareo ve ny ha- . . . Tsy tianareo ve ny handray ny Fanahy Masina, ny tsirairay avy aminareo? Tsy mila an'izany ve ianareo? Azo antoka, mila ianareo. Izany no herinareo mitahiry. Hitanareo?

Niangona tao amin'ny efitra ambony izy ireo,
 Nivavaka tamin'Ny Anarany, ilay . . .
 Vita batista tamin'ny Fanahy Masina,
 Sy ny hery satria tonga ny asa.

²⁸¹ Hitanareo? Oh, izany no ilainareo ankehitriny. Ary afaka mahazo an'izany ianareo, izao ankehitriny izao. Ho anareo izany, izao ankehitriny izao.

²⁸² Ankehitriny, ry rahalahy, mandrosoa. Ndao isika, ny tsirairay avy ankehitriny, ka hametraka ny tànantsika eo amin'ireto rahalahy ireto, ary hivavaka mba handraisan'izy ireo ny Fanahy Masina. Mandrosoa avy hatrany, rahalahy. Mandrosoa avy hatrany.

²⁸³ Ankehitriny, ny fiangonana manontolo, atsangano ny tànanareo ankehitriny, ny olona rehetra! . . . ? . . .

²⁸⁴ Rainay any An-danitra, amin'ny Anaran'i Jesosy Kristy Tompo, fenoy ny batisan'ny Fanahy Masina ny fo tsirairay eto.

²⁸⁵ Raiso ny Fanahy Masina. Raiso ny Fanahy Masina, ireto olona eto ireto izay mitsangana ka miandry ny Fanatrehana sy ny herin'Andriamanitra hameno ny fiainan'izy ireo.



TROMPETRA IRAY MANAO FEO HAFAHAF MAG63-0114
(A Trumpet Gives An Uncertain Sound)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alatsinainy hariva, 14 Janoary, 1963, tao amin'ny Christian Assembly ao Phoenix, Arizona, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarin'ny Voice Of God Recordings.

MALAGASY

©2020 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org